

Boto cu 19 persona a bolter; 1 persona a hoga



Potret cortesia arubanative.com

Pagina 14

Intento pa horta La Curaçao a finalisa cu asesinato



Pagina 9

Editorial

Nos mester haci escogencia berdadero?
Of sigui purba complace tur?

Pagina 5



Entrega di Registro di personal 2017 – 2018

Ultimo dia di entrega ta: 4 mei 2018

Pa mas informacion www.daoaruba.com

Jennifer Arends-Reyes: Moción 18 y 28 ta discriminatorio



Pagina 2

Si economia no ta draai nos ta keda haya problemanan social



Pagina 4

Parlamentario Jennifer Arends-Reyes: Moción 18 y 28 ta discriminatorio

ORANJESTAD – Fracción di RED di e coalición di gobierno a presenta dos mocion durante tratamiento di presupuesto 2018 cu a lanta preocupacion cerca e comunidad di trahadonan di afo estableci na Aruba.

E prome ta trata di e mocion 18, unda nan ta urgi gobierno pa saca onsnan cu ta bin di afo pa bin traha y biba na Aruba, for di e sistema di AZV. Den e caso aki, nan mester cumpra nan mes seguro priva y eventualmente nan lo sigui contribui cu e fondo di AZV, sin haya servicio of beneficio

di e seguro medico general aki.

E di dos mocion 28, ta exige pa tur inmigrantenan haci un test di idioma, cultura y historia di Aruba ora cu nan ta aplica pa nan di dos permiso. E sistema aki a wordo implementa na Hulanda yama “inburgeringstoets” y Corte Europeo di Derechonan Humano a pone Hulanda elimina esaki pa motibo di su caracter discriminatorio. Parlamentario di oposicion, Jennifer Arends-Reyes (AVP), tambe a cualifica e dos amienda aki como uno ‘discriminatorio’, unda e fraccionnan cu ta sostene gobierno ta expresa su deseo pa implementa e medida nan aki. Pa e motibo ey fraccion di AVP no a sostene e mocionnan aki, el a bisa.

El a indica cu e mocion 18 ta haci referencia riba e seguro. Sinembargo na momento cu AZV a wordo introduci e idea tabata ta pa tur cu ta biba ariba Aruba por tin un seguro general. “Bo ta pidi pa nan contribui, pero na final si bo kier pa nan busca nan mesun seguro,” el a di.

E parlamentario ta kere cu esaki no ta algo corecto, ya cu na momento cu un hende di afo ta bin Aruba pa traha, nan ta paga nan impuestonan. E ta kere cu ta na su luga pa nan por tin tambe un seguro

asina. E manera cu e deseo aki den forma di mocion a wordo treci dilanti pa fraccion di RED y cu sosten di otro fraccionnan di coalicion (MEP-POR), parlamentario Arends-Reyes ta afirma cu no ta corecto.

Otro mocion

Tambe e fraccion di coalicion a sostene otro mocion cu tambe e ta considera discriminatorio. E ta un mocion pa introduci un test, caminda e persona trahando bou un permiso mester haci examen cu ta mara como exigencia pa renoba su permiso. E ta un examen cu tin diferente tema pa e persona aki por haya na di dos permiso. “Si bo no pasa e examen aki, bo no ta haya bo segundo permiso.”

Na momento cu bo tin personanan cu ta drenta na bo pais pa asina nan bin contribui, e ta kere cu un persona asina ta cumpli cu e ley nan y ta aplica pa un permiso. Tambe e persona aki ta dispuesto pa laga su pais pa bin Aruba, y e ta kere cu e gran mayoria di nan ta bin cu un intencion positivo pa contribui pa nos pais sigui progresa. Na momento cu nan kier bin cu un mocion asina, parlamentario Arends-Reyes ta haya cu e ta ‘sumamente discriminatorio’.

E ta compronde cu un test asina eventualmente lo por

ta posibel si e persona aki tin un periodo mas largo. Of si ta un test prome cu nan ta diligencia nan naturalisacion. Pero di e forma cu e mocion aki a awor presenta, caminda despues di un aña cu e persona ta na Aruba ta wordo pidi e test aki como exigencia pa nan di dos permiso, e no ta haya esaki corecto.

E ta haya cu ambos mocion tin su impacto tanto pa AZV su fondo como pa nos mercado laboral tambe. E ta kere cu ora bo ta bin cu ideanan asina ta bon pa nan haci un estudio prome pa midi kico ta e efectonan di un peticion asina. Ora cu un persona ta contribui cu algun tipo di impuesto ta algo cu Aruba ta dicidi. Pues e ta haya nos ta den luz internacional pa loke ta trata e seguro general cu nos tin pa cada ciudadano cu ta biba ariba Aruba. E ta kere cu si nos ta bay bek un step patras, ‘sigur e ta algo cu ta sumamente negativo pa Aruba’.

Tambe den e mercado laboral e mocion aki tin su impacto. Ya cu si bo tin un persona cu ta dispuesto pa traha y e persona tin e conocimiento y experiencia pa loke ta e trabou mes. Sinembargo si e persona aki cu tin un aña apenas na Aruba no pasa su test pa un of otro materia, ta un lastima. Ya cu nos mercado laboral lo wordo afecta den e caso aki.



Cumbre cu gremionan mediado di mei lo determina plan economico

ORANJESTAD – Cual ta e vision of plan economico di gobierno? Esaki ta un pregunta sigur cu fraccion di oposicion a yega di formula. Pero tambe fraccion oficialista ta urgi gobierno pa bin cu e plan aki.

Sinembargo tambe e ta un pregunta cu ainda e sector productivo di nos pais y comunidad ta na expectativa pa haya un contesta. Vooral aworaki cu e aumento conservativo di gobierno di un 1% den nos economia ta muestra cu lo bira menos cu esey. Segun proyeccion di Banco Central e lo ta alrededor di 0.3%, y eventualmente e lo sigui baha.

“Nos tin un vision, nos tin un idea kico nos kier cu nos economia na Aruba”, asina e prome mandatario a declara na Bon Dia Aruba. Ta asina

cu mediado di e luna aki, entre 14 te cu 16 di mei, minister di asunto economico tin un cumbre prepara cu tur e gremionan. Den e cumbre aki nan ta bay scoge e diferente area cu Aruba tin cu bay enfoca riba dje.

Durante e prome lunanan di e gobierno di coalicion (MEP-POR-RED) e prioridad tabata e tema financiero. Awor nan kier enfoca pa atende cu e tema financiero, pero na luga di bin cu un dialogo nacional, gobierno kier fiha e vision economico hunto cu nan partnernan y gremionan. Unabes cu ta wordo selecta cuater pa cinco sector nan ta bay traha activamente pa busca e inversionnan cu nos tin mester.

Nan por enfoca riba diferente area pero si nan no tin tur e partner hunto y tin synergia den un punto specifico difi-

cilmente nan no lo por logra, segun e prome mandatario. P’esey ainda gobierno su vision economico no a formula oficialmente riba papel. Ya cu e mester ta un vision carga riba tur hende. No ta cuestion cu nan ta bay trahe y bin busca despues e hendenan cu ta para hunto cu nan, ya cu talbes e no ta mes exitoso cu nan ta cera cabes cu tur partner y gremio.

“No necesariamente loke gobierno, loke ami kier of loke mi colega Xiomara kier of ke colega Dangui kier ta bay como prioridad. No!. Loke e gremio hunto, full loke e cumbre aki lo dicidi.” Logicamente turismo lo keda un pilar economico hopi importante. Pero pa e mes importante cu e ta, gobierno kier percura pa no pone tur peso riba dje, sino cu mester diversifica.

Prome minister, Evelyn Wever-Croes (MEP) a yega di declara na e matutino aki cu nan a logra baha e deficit cu nan a haya di 276 milyon florin te na 140 milyon. E mandatario ta considera e

esfuerzo aki casi ‘sobre humano’, pero hunto nan por a logre. Awor cu presupuesto a keda aproba ta momento cu gobierno ta bay enfoca mas padilanti.



Fundacionnan conscientisando na open dag Marinierskazerne



SAVANETA — E unico dia unda bo lo wak porta di Marinierskazerne habri ta e dia di ayera, esta prome di mei. Alabes dia di obrero, riba e dia aki tin gruponan di famia cu ta bay hunto pa pasa un mainta cu muchanan.

E militarnan ta organisa cada aña demostracionnan riba beach, den gymzaal y pafo unda muchanan por haci actividadnan pa nan haya un idea di e esfuersonan fisico cu e mariniers ta train pe diariamente.

E actividad aki cu nan ta organisa anualmente ta pasando ya pa hopi aña caba. Pero nos no por a haya sa con atras e tradicion aki ta bay. Te hasta den un combersacion cu luitenant Richard Kelly kende tin 21 aña como militar, e mes no por corda con leu e

dia habri pa publico ta bay, mirando cu pe mes e tempo ey esaki tabata constante.

Nos no a logra haya contacto cu e vocero di defensa den Caribe Hulandes pa sa pa con hopi tempo e tradicion aki ta andando. Ni mariniers presente na e evento por a conta nos cuanto tempo esaki tin ta pasando. Un cos por ta sigur, sinembargo. Cada aña e evento aki ta mira un acogida grandi, cu ta refleha den e manera improvisa cu autonnan ta parkeer pafo di e tereno di e base militar.

Un celebracion cu por bisa a bira parti di custumber na Aruba, no solamente pa Arubiano pero tambe pa comunidnan Hulandes, Latino y Chines, kende riba e dia aki tur ta cana rond den calor pa mira e helicopter, of subi riba un boto di mariniers.

Nos por a mira cu e evento ta popular pa diferente parti di nos comunidad.

Pero dicon? Despues di papia cu diferente persona na e evento a resalta dos contesta, sea si e persona tin añanan bishitando of ta nobo of relativamente nobo na e open dag. Di e personanan cu a splica cu nan ta bishitando ya pa añanan, nan ta splica cu e ambiente familiar ta loke ta atrae nan cada aña, mirando cu alabes prome di mei ta un dia liber pa hopi persona.

Pa personanan cu apenas awo ta bishitando Mariniers pa prome biaha of di dos biaha, nan ta splica cu 'e lug a ta poco misterioso'. Esaki entre otro pasobra e lug a nunca ta habri, manera nan a conta nos, pero tambe pasobra nan ta haya interesante pa mira kico e mariniers ta haci tras di cortina.

Fundacion ta conscientisa durante open dag

Un tendencia cu por a observa den e ultimo edicion di e open dag cu a tuma lug a yera ta cu apart di e pañanan, articulonan uza, bebida y cuminda cu sa bende bou tentnan riba e dia, awo fundacionnan y otro organisacionnan cu metanan social ta campa bou tent pa purba conscientisa e bishitantenan. Nos a papia cu e organisacion Aruba Lionfish Initiative Foundation.

Aruba Lionfish Initiative tabata presente na e open dag dilanti unda muchanan por uza scopet den un demostracion breve. Aki e miembronan di e fundacion tabata splica cu pasion tocante e pisca aki cu ta un especie cu ta reproducir rapidamente, creando asina un problema pa ecosistemanan den awanan rond di region Mericano.

'Pidi pa Lionfish na un restaurant ta yuda nos bringa nan'

Abigail Vrolijk, secretaria di e fundacion, ta conta nos con e hunto cu otro diver a dicidi di tuma over e parti di e Lionfish. Asina desde fin di aña pasa e Aruba Lionfish Initiative Foundation ta formalisa y ta trahando pa purba

elimina e Lionfish den awanan rond di Aruba. Esaki ta pasobra segun sra. Vrolijk, e pisca aki ta come especienan di pisca di Aruba mes. Pues ta trata di un invasive species. Ademas di esaki, e Lionfish ta come e piscanan di rif cual ta mantene e salud y limpieza di e rifnan rond di Aruba, 'cual ta pone e rifnan muri'.

E fundacion ta duna certificacion pa siña hende con pa jaag e Lionfish na un manera responsabel. "Pasobra e problema cu e pisca aki ta crea ta bou awa, hopi hende no sa di dje. Nan no sa con erg e por bira. E ta un problema den henter region Caribense, Golf di Mexico, na costanan di Brazil y el a yega costa di New York caba."

Aruba Lionfish Initiative ta percura pa personanan cu bay baha cu tanki pa bucea tin e tanki necesario pa haci esaki, yudando asina pa tene e problema di Lionfish controla.

"P'esey nos ta curasha hende si nan bay come na un restaurant pa nan puntra si nan tin Lionfish. E ta un pisca cu ta smaak hopi dushi. Y asina bo por curasha restaurantnan pa cuminsa pidi pa Lionfish, cual lo yuda nos bringa contra dje."



Si economia no ta draai nos ta keda haya problemanan social



ORANJESTAD - Den cuadro di aprobacion di presupuesto 2018, parlamentario Setty Christiaans-Yarzagaray (MEP)

a referi cu Aruba su economia a bay den recesion for di 3 aña. Practicamente economia a stagna y awor nos ta bay den caida den

crecimiento economico. E ta full di acuerdo cu gobierno cu no ta e momento pa solamente pone full atencion riba un balans fi-

nanciero.

“Si nos no draai economia, sino keda draai solamente finanza, nos ta keda haya problemanan social.” Esaki pa via cu bo placa di bo economia no ta draai pasobra bo ta bezig saneando bo situacion financiero so. Esaki ta un refleho di loke a sosode den pasado caminda e parti social a sufri, segun e parlamentario aki. Nan kier atende y drecha e problemanan social cu tin, y esaki a bira un escogencia cu e gobierno di coalicion a haci. “Ami ta para tras di e escogencia ey.”

Pero di otro banda nan lo keda tras di gobierno pa monitor esaki di cerca. Aunke e plan social ta conoci, e plan economico ainda ta pendiente di su finalisacion social, segun parlamentario Christiaans-Yarzagaray. Sinembargo e memorandum economico-financiero di gobierno ta duna un linea di kico lo ta su maneho. Pero tambe fraccion di MEP ta urgi gobierno di su banda pasobra nan kier wak

un plan economico mirando cu esaki ta hopi importante pa sa den cual direccion nos kier bay.

El a agrega cu nos sa cu desaroya economia so tambe lo resulta den entrada den caha di un gobierno. Pues un plan social conhunto cu un desaroyo positivo den economia tin su beneficiario no solo pa negoshinan sino pa e trahadonan y nan famianan. Tambe economia mester draai pa hendenan por haya trabou pa asina nos hubentud ora cu nan ta bin cla cu nan estudio por drenta den nos forsa laboral. “E ciclo aki mester draai bek.”

Esaki ta e impulso cu nan ta ripara for di e tereno cu plan social ta wordo hinca aden, pa drecha e plan social sperando no solamente inversionnan cu gobierno ta bin cu ne. Pero logicamente di e sector priva tambe. Esaki tabata e focus primordialmente poni den e tratamiento di e presupuesto ultimo.

Arumil cu inscripcion habri te 18 di mei



SAVANETA — Durante open dag di Marinierskazerne Arumil tabata ricibiendo inscripcion pa hobennan por forma parti di e cuerpo uniforme. Inscripcion ta habri te 18 di mei.

Den un entrevista cu Richard Kelly, luitenant prome clase na Marinierskazerne, ta conta nos con importante e ta pa hobennan jong haya e disciplina, compromiso y oportunidad ora di forma parti di Arumil. E solicitacion habri ta conta pa hobennan di 18 aña te cu 25 aña di edad. “Nos kier pa nan bay den bon caminda, manera polis of

brandweer’.

Mirando cu na Marinierskazerne hopi hende jong ta bishita, Arumil a dicidi di habri un tent unda ta duna informacion riba kico bira parti di Arumil ta encera, pero alabes ‘un bon momento pa hende por solicita y nan ta wak tur cos di biaha kico ta encera servicio’.

Esaki lo ta un bon oportunidad pa hobennan interesa pa solicita, sr. Kelly ta conta, pasobra desde par di luna pasa ta uzando un maneho nobo pa asina percursa cu personanan cu a sirbi por haya un ayudo pa haya otro carera ora ta dicidi di sali di Marinier-

skazerne.

E maneho aki ‘te ainda no ta ful cla’, sinembargo sr. Kelly ta splica cu e ta firma y nan ta estructurando esaki concretamente. “Esaki ta pa un persona cu a pasa den nos training por haya un trabou como polis, brandweer, etc, pero tambe si no tin espacio den sector priva.”

“Ora bo pasa den carera di

militar esaki pa hopi hende pafo di e rango aki ta muestra cu bo tin un disciplina y bo ta serio, cual tin un balor grandi ora hende sa cu bo ta un persona para bon den bo sapato.”

Pa basta tempo Marinierskazerne ta organisando e open dag. Ki tempo esaki a cuminsa no ta conoci, pero pa sr. Kelly kende tin 21 aña den servicio, te hasta den su tem-

po tabata organisa esaki.

“E meta ta pa laga hende di pafo wak kico ta pasa ki den un poco y kico e trabou di marina ta encera. Hopi biaha nos ta tras di muraya y bo no ta wak kico ta pasa. Esaki ta algo cu mi ta kere ta importante si pa Aruba, si bo wak bon con hopi hende ta bin y con tempran nan ta yega pa haya luga.”



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Cristian Soto Garcia(hefe di redaccion)
Nicola Gonzalez(redactor ehecutivo)
Esther Kiks-Martinus(redactor ehecutivo)

Redaccion

Benjamin Romero
Leo Maduro
Luis Villegas

Departamento Digital

Sharina Henriquez

Ehecutivo di Benta

Marijke Croes-Luidens
Mary Ann Oduber
Linda Reijnders

Fotografo

Dino Tromp

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: [@bondianoticia](https://www.facebook.com/bondianoticia)

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Nos mester haci escogencia berdadero?

Of sigui purba complace tur?

Awor cu nos a yega den awanan un poco mas trankil, despues di e careda pa entrega presupuesto na tempo a pasa, tin un poco mas tempo pa reflexiona riba otro asunto cu merece nos atencion. Manera e direccion cu nos desaroyo socioeconomico lo mester tuma den e proximo añanan. Realmente e palabra aña den e sentido aki no ta esun mas corecto, pasobra lo ta miho pa papia di decada. Ora nos ta contempla futuro, nos mester wak y analisa hopi mas leu cu solamente e periodo di gobernacion aki, o talbes tambe e proximo. E asuntonan fundamental cu ta exigi nos atencion ta exigi di biaha pa nos papia di termino largo. Kico asina esey ta?

Pa nos, un di e esunnan mas esencial ta e uzo racional y corecto di e superficie di cual nos ta dispone. Cu ta alrededor di 190km cuadra. Mas nos no tin y nos no ta haya mas tampoco, esey ta sigur. Anto nos mester ta hopi consciente di e hecho cu tur cos cu nos ta haci, ta algo cu tin su fecha di termina. Esaki ta principalmente e caso ora nos ta papia di recurso natural cu nos tin. Tuma por ehemplo un di e ehemplonan mas dañino pa nos paisahe, e explotacion di santo y piedra, cu ta causa daño ireparable na nos pais, cobando loke nos ta yama yaga den cara di Aruba cu nos no por drecha nunca mas. Claro cu lo tin esunnan cu ta bisa cu na tur pais bo tin explotacion di loke tin den subsuelo, kico anto ta e problema cu aki tambe tin minería?

E contesta ta cu na paisnan mas grandi ta posibel haci e actividadnan aki y ainda resta bastante paisahe no afecta. Den un lug a asina chikito manera Aruba e ta directamente den nos cara, y hasta ta asina cu e explotacion por tin molester directo pa habitantenan di cierto parti di nos isla. Loke ta efectivamente e problema na Sero Cristal y vecindario actualmente. Pero ta husto cu nos ta laga un grupo di ciudadano bringa un bataya den corte cu realmente ta un asunto di vision, strategia y planificacion a largo plaso cu ta tarea di (tur) gobierno? Ta normal cu grupo di ciudadano mester hiba nan caso corte pasobra no tin un decision fundamental tocante e siguiente pregunta: Ta te ki dia nos ta kere cu nos por keda explota minería abierto riba e pida baranca aki, si den mesun rosea nos mes ta alaba turismo como e principal actividad economico pa hopi decada nos dilanti? Si di tur manera e recursonan aki, di santo

y piedra, ta limita y lo caba dentro di poco, ta pakico anto tin un miedo asina grandi pa yama e cos aki na su nomber y simplemente dicidi cu conservacion di paisahe na e momento aki ta mucho mas importante cu sigui explota minería abierto te cu no por mas... y haya nos ta importa e materialnan aki, cu ta necesario pa construccion, di tur manera, for di exterior? Y pa colmo, acaso no ta asina cu nos pa añanan ta importa material di construccion di exterior caba? Kico anto ta e problema pa duna e companianan minero e oportunidad pa reorienta nan negoshi y pasa gradualmente completamente pa importacion di material?

Nos sa cu den e discusion aki lo trece dilanti e bentaha di un prijs mas faborabel si uza e material produci aki mes. Esey por ta asina, pero den e prijs ey no ta hinca e prijs cu nos colectivamente ta paga pa un paisahe destrui, cu no ta sirbi ni pa nos, ni pa e bishitantenan cu ta bin aki pa relaha y disfruta di.. e paisahe destrui? Nos no a uza e palabra magico ainda di un economia sostenibel pero ban hinca esey tambe den wega. Ki tempo a yega di tende cu e tipo di minería aki, cu ta haci daño pa eternidad, ta sostenibel? E problema cu hopi biaha nos ta discuti uzando e palabranan caro aki, sin cu realmente nos ta aterisa y yama e cosnan na nan nomber. Ta bira tempo pa nos cuminsa haci esaki y nos lo ripara cu den hopi aspecto e ta haci nos bida hopi mas facil. Esey ta conta pa e refinería tambe; igual e situacion den e zona di reserva forestal di mangel (mangrove pa esunnan cu a lubida Papiamento), unda nos ta topa cu e ironia cu esun cu ta menasa di destrui, a boltar e asunto completamente, presentando su mes awor como e futuro cuidado di e area... Really?

Ta mescos cu den e caso di e minería aki nos yega na e conclusion cu coba mas tanto buraco pa saca santo y piedra ta bon pa nos tur, pasobra mas buraco tin, mas lug a nos lo tin pa benta sushi afo... Di e manera ey talbes nos ta yega na un negoshi sostenibel di deshaci di desperdicio, sin cu mester contempla otro opcion, manera reciclahe, gasificacion o exportacion di material. Nos ta spera di curason cu hamas nos lo yega na experimenta semehante cinismo. Palabra ta na gobierno den e caso aki: actual!

Brasil: Acusacion nobo contra Lula da Silva di Procuraduria General

(Jornal do Brasil) - Ex-presidente Luiz Inacio Lula da Silva, acusa pa Procuradoria General di corrupcion pasivo den e caso unda ta sospecha cu e empresa Odebrecht a pasa R\$ 40 miyon pa Partido di Trahadu (PT) a cambio di decisionnan faborabel pa e empresa, lo a duna aval presidencial pa e plan.

Procurador general Raquel Dodge, den denuncia manda pa hues Edson Fachin, relator di e caso Lava Jato na Supremo Tribunal Federal (STF), a bisa cu Lula tabata parti integral di e organizacion criminal cu a opera entre 2002 y 2016.

Raquel ta relata cu Lula y ex ministro Antonio Palocci



a asocia nan mes cu checutivonan di Odebrecht na 2002, pa financia su campaña "a cambio di compromiso

asumi pa e, na e momento ey candidato presidencial, di atende interesnan priva licito y ilicito di e agrupacion empresarial ey." Desde e negociacion, Odebrecht lo a pasa cerca di R\$ 20 miyon, y e campaña tambe lo a ricibi "aproximadamente R\$ 39 miyon mediante donacion electoral oficial proveniente specialmente di e empresa OAS y di empresanan di e grupo Odebrecht, tur di nan posteriormente beneficia pa e plan institui pa e organizacion criminal."

"E pagonan a ser haci pa Antonio Ferreira, di banda di Odebrecht, y ricibi pa e tesorero di campaña di Lula, Delubio Soares, mientras cu parti di e placa a ser pasa directamente pa Duda Men-

donça, marketing manager di e campaña. Cu e entrada na poder di Lula, esunnan actualmente denuncia a structura den ambito di gobierno federal un modus operandi cu tabata consisti di cobra soborno a base di acuerdo ilicito cu e empresanan cu tabatin interes di firma pa negoshi na ambito di gobierno federal y di aprobacion di cierto medidanan legislativo," e denuncia ta bisa.

Puntra pa su opinion, presidente di Partido di Trabao (PT), Gleisi Hoffmann, afirma cu Procuraduria General ta actua di manera irresponsabel contra Lula, cu sin e denuncia aki ya ta core riesgo di mester sinta un castigo di 12 aña di prizon pa corrupcion.

Mexico: Caravana di migrante na frontera ta busca entrada regular na Merca



(El Pais) - E asina yama caravana di migrante cu a lanta rabia di presidente Donald Trump, a yega na frontera Mericano cu alrededor di 400 persona, na e ciudad di frontera Mexicano Tijuana.

Durante e marcha a traves di Mexico e grupo a acumula como 1.200 persona, di cual un cuarto parti tabata mucha. Polis Mericano na frontera no por a atende tur na mesun momento y nan mester a

keda warda na Tijuana. No ta e prome grupo di migrante cu ta yega na presenta nan un paso di frontera, sin embargo ta esun cu a causa mas boroto politico, specialmente di presidente Trump, cu no ta desea di laga nan drenta mes, pero na frontera e oficialnan encarga mester trata tur hende segun e leyman di e pais. Motibo pa Trump keha cu su pais tin frontera debil. E manera di pidi asilo na Estadonan Uni ta simplemente presenta na frontera y bisa e agente cu esey ta e caso,

sin mas. E polis di frontera (Border Patrol) semper ta insisti cu e migrantenan no mester hunga cu nan bida inutilmente, tratando di crusa via zonanan peligroso, pa despues entrega nan mes na e otro banda. Si nan drenta via e entrada normal y expone nan caso, e proceso legal cu nan ta sigui ta bay ta exactamente mescos. Sin embargo, tabatin noticia di 11 persona cu a purba drenta clandestinamente na Merca den vecindario di San Ysidro, y cu a keda captura. Vocero di e grupo di migrante a des-

menti cu ta trata di migrante cu ta pertenece na e caravana. Alrededor di 100 migrante a dicidi di keda campa dilanti e porta di entrada di Merca, pa spera oportunidad di haya nan caso trata pa oficialnan di migracion Mericano. E situacion aki ta surgi di bes en cuando na e puntonan di frontera cu mas trafico. (Tijuana ta e frontera terrestre mas transita di mundo). E organisadonan di e caravana a dicidi diadomingo di duna prioridad na e casonan mas vulnerabel, mientras e otro nan ta warda turno.

Venezuela: Gobierno kier pago di combustibel pa avion na criptomonedas Petro

(lapatilla.com/EFE) - Presidente Venezolano Nicolas Maduro a ordena cu e benta di combustibel pa servicio internacional cu e pais ta brinda, mester paga cu e criptomonedas 'Petro' cu gobierno a introduci recientemente.

E moneda ta un intento di gobierno Chavista pa evadi e sancionnan financiero cu gobierno di Merca a impone. "Tur gasolin cu ta bende na avion na dollar, di servicio internacional, tur e gasolin ey mester bende na Petro, tur desde e momento aki," e



mandatario a bisa na un reunion na Caracas. Maduro a manda e orden pa e ministranan responsabel di e despachonan di Petroleo y Transporte, como tambe di e empresa estatal PDVSA.

Tin mas indicacion cu gobierno di Maduro ta busca manera pa haya pago via e mecanismo di e Petro. Asina a sali un publicacion den e diario di India, Business Standard, cu a revela cu gobierno di Maduro a ofrece India, un di e mayor consumidornan di crudo Venezolano cu ta paga den divisa, un descuento di 30% riba e prijs di crudo, si nan ta dispuesto pa paga cu Petro. Segun fuentenan di Business Standard, un ekipo di gobierno di Venezuela tabata na India luna pasa, unda nan a cera un convenio cu e empresa

Coinsecure, un empresa di comercio di criptomonedas cu sede na Delhi, pa bende Petro na India. Segun e medio, e director general di Coinsecure, Mohit Kalra, a bisa cu Venezuela tabata kier aña e Petro como criptomonedas na Coinsecure, pa por trafica e Petro hunto cu Bitcoin y e Rupia. Kalra a bisa cu e ekipo di gobierno di Venezuela a discuti e idea di ofrece India un descuento di por lo menos 30% den compra di petroleo crudo, durante e discusionnan. "Nan ta bay diferente pais y

ta haci oferta." Consulta tocante e benta di petroleo cu descuento si ta paga na Petro, Antonio de la Cruz, director ehecutivo di Inter American Trends, un firma cu sede na Washington, a bisa cu esaki "ta indica e desesperacion di e regimen pa falta di divisa, y ta pretende establece un mecanismo di labamento di capital di procedencia dudoso, ya cu e negoshi di labamento di capital a traves di bono a keda cera desde aña pasa pa e imposibilidad di honra nan y renegocia nan riba mercado mundial."

Brasil: Edificio di 26 piso a pega candela y cay den otro na Sao Paulo

(JornaldoBrasil) – Un edificio na Sao Paulo, cu antes tabata pertenece na cuerpo policial federal, pero tabata oficialmente desocupa pa varios aña, a pega candela banda di 1:30 di marduga di dialuna pa diamars. A bin resulta cu e edificio, di 26 piso, tabatin mas di 90 famia ta biba aden, sin permiso.

Pa motibo di esaki no tin registro oficial di cuanto persona lo tabata den e edificio na momento cu e candela a cuminsa. Testimonio di cuerpo di bombero ta bisa cu nan a localisa un persona na e piso mas halto, pero prome cu a logra salb'e, e edificio a cay den otro y no a mira e



persona mas. Poco despues, a bin mas claridad cu e situacion por tabata dramatico. Lo tabatin como 90 famia, na total cerca di 250 persona, cu tabata biba den e edificio. No ta conoci ainda cuanto per-

sona por tabata den e edificio ora e candela a cuminsa. E candela a afecta tambe dos edificio na banda y parti di un misa luterano, yama Martin Luther, un di e prome parokianan evangelico na Sao

Paulo, inaugura na 1908.

Cuerpo di bombero di Sao Paulo tabatin 160 persona trahando na e luga di e desastre, cu 57 vehiculo, y un helicopter. Otro entidadnan manera Defensa Civil y Compania di Ingenieria di Trafico tambe tabata na e sitio. Defensa Civil a cuminsa haci un registro di e famianan cu a logra sali di e edificio, pa organisa e ayudo na nan. Pa e gobernador di estado Sao Paulo, Marcio Franca, e candela aki ta demostra e riesgonan grandi di edificionan ocupa di forma iregular. “Loke nos tin cu haci ta convence e hendenan pa no biba di e manera aki. Ye hendenan cu ta kere cu nan ta yudando,

resistiendo y purba logra cu nan por keda den e tipo di edificio aki, ta yuda causa un tragedia manera esaki.”

E edificio cu a cay den otro, den menos di dos ora, tabata di gobierno federal. Por lo tanto, segun Franca, pa saca e hendenan cu forsa, ta gobierno federal lo mester a haya autorisacion hudicial. Pero segun Franca, gobierno federal no a hacie pasobra nan no sa unda pa bay cu e hendenan. Riba pregunta di prensa tocante e forma cu gobierno estatal y gobierno municipal (Prefeitura) por yuda e personanan cu tabata biba den e edificio, el a afirma cu lo ofrece luga di keda na e famianan.

Caribe y Latino America: Esfuerzo conhunto contra trafico humano



(CaribbeanNewsNow) – Como 350 victima potencial di explotacion sexual y trabao forsa a keda rescata den un operacion coordinada pa Interpol contra trafico humano den Caribe, Centro y Sur America.

Mas di e 500 agente policial den 13 pais a aresta 22 persona durante Operacion Libertad (3-9 april), teni den cuadro di e Proyecto di Interpol pa Combati Trafico Humano den Caribe. E centro di comunicacion

regional conhunto (Joint Regional Communications Centre; JRCC) na Barbados a hospeda e centro di coordinacion operativo, cu oficialnan especialista di unidad di Interpol di Trafico di Ser Humano treci na e region. Apoyo a bin di e centro di comando y coordinacion di Interpol na e secretariado general na Lyon, Francia y na e oficina regional di Interpol na Buenos Aires, Argentina. Adicional na accion coordina di polis, a haci buskeda comparando cu e databasen di delincuente di Interpol, generando 30 hit, incluyendo 25 pa documento di biahe horta o perdi. Tambe a confisca computer, telefon mobil y placa cash. Director ehecutivo di Interpol Tim Morris a declara:

“Operacionnan manera esaki ta musta e poder di Interpol, proveyendo un plataforma pa e 13 paisnan participante, pero loke tin tras di e cifranan aki ta e historia humano.” “Sea cu ta trata di mama, tata, ruman, yiu di un hende, semper tin un storia intensamente personal cu usualmente, desafortunadamente, ta acompaña pa hopi sufrimiento”, el a declara. Tanto hende homber como hende muhe, incluyendo menor di edad, a ser haya ta traha den night club, finca, mina, fabrica y mercado na aire liber. Cu miles crusando frontera buscando trabao, e traficantenan ta busca esunnan mas desespera y vulnerabel cu promesa di un bida miho. Pa sigura cu e victimanan

ta haya e cuido necesario despues di nan rescate, servicionan social y NGO nan ta involvi den haci entrevista y provee apoyo despues di e operacion. Pasobra nan por gana mas placa cu na nan pais di origen, cierto victima no ta identifica como tal, haciendo bastante dificil pa recolecta evidencia y persigui den caso di trafication. Otro victima ta ser manipula y intimida pa provee informacion falso. E programa a ta un di varios proyecto bao di Task Force Global di Interpol pa Traficacion di Humano. Paisnan participante ta: Antigua y Barbuda, Aruba, Barbados, Belize, Brasil, Curaçao, Guyana, Jamaica, St Lucia, St Vincent y Grenadines, Trinidad y Tobago, Islanan Turks & Caicos, y Venezuela.

Venezuela: Gobierno a reconoce pa prome biaha cu tin crisis

(NTN24) – E Organizacion di Estadonan Americano (OEA) a debati dialuna den un sesion extraordinario riba e situacion humanitario na Venezuela y “su impacto riba e paisnan di e region.”

E reunion a tuma luga na sede di OEA na Washington, riba peticion di e delegacionnan di Argentina, Brasil, Canada, Chile, Costa Rica, Estadonan Uni, Guatemala, Honduras, Mexico, Panama, Paraguay y Peru.

Durante e sesion a scucha informe y testimonio di entre otro e director regional di e Organizacion Regional pa

Migracion, Diego Beltrand, cu a describi e situacion di e migrantenan Venezolano den diferente pais y e dificultadnan cu nan ta haya. A traves di un video por a tuma nota di un mensahe di cardinal Venezolano Baltasar Porras, y tambe di un comunicado di Caritas Venezuela, tocante e situacion di salud publico actual.

Julio Castro, especialista den medicina tropical di Universidad Central di Venezuela a expresa cu e estadisticonan di salud ta alarmante. El a declara cu no ta existi reporte epidemiologico pa sarampi y difteria. “Esakinan ta dos en-

fermedad 100 % controlabel. Ya a notifica di caso exporta, especificamente na Brasil.”

E reunion a scucha informe di e paisnan cu ta atende e problema di refugiado Venezolano, unda no ta trata solamente di e paisnan cu tin frontera cu Venezuela, sino tambe paisnan manera Panama (166.000 inmigrante), Argentina (mas di 170.000 principalmente hoben, desde 2015), Peru (2.000 inmigrante pa dia actualmente). Den caso di Colombia, a reporta cu 35% di esunnan cu ta yega, ta di nacionalidad Colombiano cu ta regresa. E total a surpasa 800.000 persona caba.

Despues di tres ora di intervencion di varios orador, a toca turno na Samuel Moncada, embahador di Venezuela, pa presenta su punto di bista. El a califica e debate tocante e crisis humanitario como un operacion politico y psicologico.

“Estadonan Uni ta ofreciendo 21 miyon dollar na ayudo humanitario pero nan a blokia 1.200 miyon dollar di nos... Nan ta construyendo un caso pa hustifica un intervencion... Su crisis humanitario ta e hustificacion pa un intervencion”, segun Moncada. Sin embargo, el a admiti cu na Venezuela ta ex-

isti problema severo, “pero e salida lo ta via eleccion.”

Den un reaccion pa prensa despues di e reunion, e secretario general di OEA, Luis Almagro a destaca e reconocimiento di parti di Moncada cu ta existi un crisis, aunke e gobierno ta mantene su propio splicacion pa esaki.

Venezuela lo tin dia 20 di mei proximo eleccion presidencial den cual actual presidente Nicolas Maduro ta aspira logra reeleccion, mientras gran parti di comunidad internacional ta critica cu no tin garantia pa eleccion liber y transparente.



Drone a drop pakete cu droga, pins y celular den prizon

WILLEMSTAD – Recientemente personal di prizon a tuma nota cu tin diferente Drone ta bula riba prizon y ta drop diferente paketenan cu contenido den prizon. Personal di prizon a logra intercepta algun di e paketenan aki. Durante di un investigacion di e paketenan a bin haya telefon celular, y hopi droga. Esaki

ta segun e fuente di Loopabc.

Pa motibo di esaki e team di asistencia interno di prizon a tene diferente accion durante di e weekend y a concentra den e area cu e paketenan a wordo di drop. E team a logra confisca un total di 27 telefon celular, 1 pins, 3 schroefdraai y un cantidad grandi di droga.

Turismo a subi cu 11% durante luna di maart



WILLEMSTAD – Durante luna di maart turismo tabata tin impacto directo di 86 miyon florin pa nos economia local.

Aña pasa na luna di maart, industria di turismo a genera 78 miyon florin. Esaki ta un subida di 11% riba e impacto directo cu turismo tin

riba nos economia local. 53% di e impacto directo total ta wordo genera for di bishitanenan procedente di Europa. Turistanan for di Europa ta

responsabel pa 46 miyon florin. Nort Amerika, Sur Amerika y otro regionnan a genera respectivamente 25, 11 y 5 miyon florin. Esaki ta segun e fuente Loopabc.

E cantidad total di turista di estadia na luna di maart ta positivo registrando un crecimiento di 5%. Un total di 36.241 turista di estadia a keda ricibi na maart e aña aki, aña pasa e cantidad registra tabata 34.550. Corsou a ricibi un total di 13.708 turista di estadia for di Hulanda na luna di maart 2018 cual ta un subida di 3% compara cu maart 2017. Hulanda ta continua como e mercado principal; 38% di e total di turista ricibi ta procedente for di e pais aki. E di dos pais den region di Europa for di cual nos ta ricibi mas turista ta Alemania. E aña aki sin niun servicio directo for di Alemania un total di 2.534 Aleman a bishita nos pais. Esaki ta

un aumento di 9%. E crecimiento den cantidad di turista di estadia no obstante no tin conexion aereo directo ta pa motibo cu Pasco di Resurreccion e aña aki a cay na maart y aña pasa na luna di april. Total region di Europa a crece cu 8% na maart 2018. Un total di 19.119 turista di estadia a keda ricibi.

CTB a registra un total di 9.635 turista for di Nort Amerika na maart 2018. Cu e resultado aki Nort Amerika ta e di dos contribuyendo den cantidad di turista di estadia. For di Canada un total di 3.272 turista di estadia a keda registra. For di Estados Unidos un crecimiento di 5% a keda registra na maart 2018. Total 6.363 turista di estadia a keda ricibi. Aña pasa e cantidad di turista cu a bishita nos for di Estados Unidos tabata 6.067.

Tur dos mercado di enfoke den Sur Amerika a presta bon na luna di maart registrando cifranan dobel di crecimiento. For di Colombia un aumento di 52% a keda registra cu un total di 1.387 turista di estadia. E crecimiento den turista di estadia ta como resultado di e accionnan di mercadeo combina cu dianan di vacacion den cuadro di Pasco di Resurreccion. Trafico for di Brazil a registra crecimiento di 24% na maart 2018. Total nos a ricibi 697 Brasileiro.

For di region Caribe por mira un crecimiento di 10% den cantidad di turista di estadia. Un total di 1.875 turista a keda ricibi for di Caribe na maart 2018. For di pais bisiña Aruba, un crecimiento di 48% a keda registra. Un total di 1.101 Arubiano a biaha pa Corsou na maart. Mayoria a yega e dianan prome cu Pasco di Resurreccion y tambe Blue-



Intento pa horta La Curaçao a finalisa cu asesinato

WILLEMSTAD – Recientemente a sosode un asesinato na unda cu un bewaker cumpliendo cu su trabou a wordo mata den e cura di e negoshi La Curaçao.

For di investigacion realisa na e sitio a bin sali na cla cu mas cu un persona a sorprende e bewaker cu tabata sinta riba un stoel den cura di e negoshi pega cu e edificio. Ta sospecha cu esunnan cu a drenta den e cura mester a haci esaki di e parti patras di edificio pa asina sorprende e bewaker. Esaki ta segun e fuente Vigilante.

E bewaker na su turno ora el a wak esunnan den e cura mester a bula lanta y ta for di eynan a los tiro dirigi riba dje cu a pasa bay dal den e glas di e negoshi. A surgi un medio forsageo unda e bewaker tabata sinta pa despues e logra los y core bay. E bewaker a trata di huy for di esunnan cu a tira riba dje y a core bay den direccion di e porta di e cura cu e yabi den su man pa habri esaki pero un biaha mas a los tironan dirigi dje cu e biaha aki si a alcance na su lomba y tambe cabes di cual a cost'e su bida. Esunnan cu a bin pa mara e bewaker pa asina por a drenta den e negoshi despues di a tir'e a bula over di e porta di hero y a huy bay for di e sitio lagando e bewaker herida atras. Tabata e personal di vigilancia cu ta core den pickup controla e diferente negoshinan a bin topa cu e bewaker morto y mesora a yama polis. E caso ta den investigacion.

Diaranson 25 di april 2018, alrededor di 00.40 or, Central di Polis a dirigi unidadnan di polis pa Kaya Jacob Posner, caminda tin un homber herida riba tereno di un establecimiento.

Patruxa cu a yega na e sitio a topa en berdad cu un homber

drumi riba su lomba gravemente herida. For di investigacion preliminar cu polis a haci na e sitio, te caminda esaki tabata posibel y bou di e circunstancianan presente, por a mira cu e victima tabatin herida di bala. Dokter di polis a constata morto di e victima Yvenel Alcindor, nace na Haiti, 25 april 1978.



Paseo **Herencia**

Kibra Siman

Diaranson

Experiencia un Show Latino Espectacular pa 8PM

FOR ALL YOUR FLYER DISTRIBUTIONS

Call: 582-7800
email: accounting@cspnv.com

<p>20% OFF Purchase</p>	<p>30%-50% OFF Select Items</p>	<p>FREE Polishing Cloth with Purchase</p>	<p>Happ Hour & Karaoke from 9-11PM</p>
<p>15% DISCOUNT On Purchase \$50 or More</p>	<p>10% OFF Purchase</p>	<p>20% OFF Select Items 10% Off Storewide</p>	<p>AFL 5.00 Movies</p>
<p>Dollar to Florin on ALL Drinks</p>	<p>Dinner Deal \$20.00</p>	<p>15% OFF Your Bill</p>	<p>Sizzling Fajitas All You Can Eat \$19.99</p>

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA HUUR na Rooi Bosal un trailler 2 camber, 1 baño, sala y cushina ta hunto "no muebla" pa mas info Tel. 592 7934	TA HUUR Appt na Seroe Patrishi, 1 camber full muebla exclui awa y coriente 1 luna + deposito pa 1 pareha Tel : 582 6618	SERVICIO PUBLICO Buscando auto pa huur y na bon prijs? yama nos Tel. 593 9953/ 593 8453	SERVICIO PUBLICO Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs Tel. 738 1908	TA BENDE SUV Mitsubishi Montero den bon estado Afl.5.500 Pa mas informacion por yama Tel. 593 8420
TA BENDE BBQ Grill made in Aruba Tipo cylinder y bari Prijs 100/ 150/250/300 Ta entrega a domicilio Tel.569 7787	SERVICIO PUBLICO Se ofrece enfermera para cuidar a ancianos o discapacitados Tel. 566 3098	SERVICIO PUBLICO Electrishment criofo Ta haci instalacion di coriente na un bon prijs . Tur tipo di in- stalacion (airco, pega luz, etc)1 Tel. 565 6638	TA HUUR Studio na Aruba Beach Club por acomoda 4 pers. Siman 28 di July prijs: \$750 Tel. 582 2320	TA BENDE Tereno propiedad na Paradera cu caminda di klinker. Por traha bo mesun modelo di cas Tel.582 8080
TA BUSCA Trabow part time preferibel entre 5 pm - 9pm Please yama Tel: 564 3588	TA BENDE Time Share Renaissance 1 Br wk 45 Room 2553 Private Island \$3.000 johnnypaesch@gmail.com Tel. 630 1307	SERVICIO PUBLICO Paraiso de Rosa Ta ofrece su servicio pa cuida hende grandi. Nos ta hende spe- cialisa cu pasenshi y servicial Tel. 566 2687 /732 2590	TA HUUR Cas, 2 camber, / 2 baño Pos Chiquito Afl.3000 Bista pa lama Tel. 592 9966	SERVICIO PUBLICO Barata Barata Nos ta chapi, lanta sushi, spuit veneno, corta mata, na bon prijs Arubiano balente Call 592 5766
SERVICIO PUBLICO Mr. Facunda clarividente/ Santero. Tur problema tin solu- cion trabou 100% garantisa Reuni amor, kita mala suerte Tel: 740 2206	SERVICIO PUBLICO ta drecha tur sorto di Imagen Tel. 584 2489	TA HUUR Apartamento grandi 35 m2 na San Miguel 5 minuut for di hotel area pa 1 of 2 persona so Pa mas informacion yama Tel.592 2688	TA HUUR Apartamento na Paaradera pa mas informacion Cel.567 3798 Tel: 567 4161	SERVICIO PUBLICO Se ofrece servicio de reparacion e instalacion de aires acondicio- nados Split e industrial tambien reparamos frigidaire, cuartos frios y fabricantes de hielo Tel. 600 0750
TA HUUR Apartamento di 2 camber full muebla na Seroe colorado. Tel.5698007	TA BENDE un electric bike, top speed 40 km/hr marca Jetsonbike. Poco usa . Awg.3,750 Pa mas info yama Tel. 561 1761	SERVICIO PUBLICO Master Nails Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	GRATIS Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc Tel. 561 4297 / 561 5179	TA BENDE Toyota RAV 4 Four ATM airco, full equip fog lamp 1st owner 2013 incl seguro + num full aña+ keurg F.26.900 Discutible Tel. 733 4448
TA HUUR Studio Apartment 750 + 1 luna Muebla pa 1 persona. Tur cos inclui Tel. 741 8637	SERVICIO PUBLICO Mi ta ofrece pa cuida mucha y hende grandi, haci cas limpi, mentenimento di beauty salon, ayudante di cushina, vendedora Tel. 748 7066 /748 7041		SERVICIO PUBLICO Mi ta ofrece servicio di electricista, electricidad en general, problema cu corto circuito y mantencion Tel. 566 5026	TA BUSCA Part time person for a growing company, customer service skills, team work, marketing and driver's license needed. reply to info@groceriestogoaruba.com
			TA BENDE un cas na Wayaca Residence 3 camber, 2 baño. Afl.525.000 (negociable) Tel. 592 9966	TA HUUR Studio di 29 di maart te 6 april Semana Santo Tel. 583 8132 / 641 6184
			TA BENDE Feria di Fruta Banana 89 ct Pineapple 3.50 etc Nos a keda cu mesun prijs di antes Roco Plaza Tel. 566 297	TA HUUR Appartment amoblado 2 camber. Ponton Tel. 745 0559/ 733 4033
			SERVICIO PUBLICO Pa tur di trabou di verf sea cas of negoshi . Trabou garantiza Tel: 561 5597	TA BENDE Tereno comercial na TL. Prijs 175,00 m2 Uno di 1056 m2 awg 273.300,00 otro di 1000m2 awg 175.000,00 Tel. 593 2952
			TA HUUR La Cabana Timeshare 1 camber di 29 di maart te 6 april Semana Santo Tel. 583 8132 / 641 6184	SERVICIO PUBLICO Construction remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs Tel. 593 3141
			TA BENDE Plastic septic tank 1000 gallon 3500 Si ta interesa por yama Tel. 741 7262	
			TA BENDE cas situa na Socotorolaan 25 3 camber cu closet, 2 baño, sala comedor, cushina, porch, cura. Prijs taxatie rapport Aw.278.000 Prijs pidi den man Awg. 225.000 Tel. 593 0909	

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia24.com**



Ruthy Vrieswijk-Bergen:

Bon dia yen di alegria

ORANJESTAD - Na mi humilde curason tin algo di Poetry Night di e luna di april cu a pasa, algo di Scouting grupo Kimball O'Hara y algo di e Show di baile di Profesor di baile bailando y dunando les ya pa 50 aña, Diana Antonette.

Mi ta scoge pa e show di baile, ya cu Poetry Night tin un bes pa luna, Scouting tin tur ora mayoria biaha riba Diasabra pero e show ta un bes pa aña. Pero e aña aki ta diferente ora cu a scoge e fecha di e dia internacional di baile pa celebra cu e dinamico maestra profesora di baile Diana Antonette, kende ta cumpli su di 50 aniversario bailando y dunando les. Ki bunita show! For di cuminsamento te fin, a keda hancra den mi stoel sin move pa a gosa di cada baile, cada presentacion unico y fabuloso cu costumnan alegre colorido, cada un cu a pas cu e baile cu a baila. Di baile clasico, popular moderno, folklore y mas. Di chikito te grandi. Cu mas aplauso pa Diana Antonette mes cu a baila varios bunita baile den e forma elegante cu e sa di baila. No por a falta un baile cu su pareha di baile Nico Luydens kende tin añanan ta baila cu Diana. E



biaha aki Nico a baila tambe cu Mary Hsing e bunita wals di Padu Lampe 'Abo so' y cu Etline Tromp 'Locura di Dalia'. Nico cu sigur casi 50 aña tambe bailando. Bunita pa a wak Oma Etline baila, y su nieta baila den otro baile. Of mama a baila y yiu tambe a yega di baila den e scol di baile aki. E bunita show aki a wordo dedica na tur musico, cantante y areglista cu a inspira lieve juffrouw Diana tur e añanan aki. Y manera expresa pa un par di alumno riba e video clip, wantando nan zundra for di juffrouw Diana de bes en cuando. E strea di baile Diana ta "Pietje precies" ora e ta boga y pusha inspira tur rond di dje pa baila mas miho posibel to the max! E biaha aki su yiu muhe mayor, e indjan prinses Alydia Wever tambe a baila hunto cu su alumnonan un baile super moderno y contagioso. Nos

por a comprende cu e otro prinses di Diana Antonette, PierAngely Wever ta birando mas y mas fuerte den su salud y sigur lo t'ey den e siguiente show of shownan.

Nos kier a felicita Diana Antonette, su scol di baile cu tur su alumnonan y su famia masha masha masha pabien cu e show fabuloso y unico aki. Pabien na ruman muhe Olgita cu e cantica cortico bunita y pa a cose varios di e costumnan, ariba instruccion di Mamayo, e bunita mama di Diana kende for di comienso a cose tur cos semper, pero edad awor ta hunga un rol. Tur e costumnan e keda nechi y elegante.

Lady Ruth a gosa hopi di e dos solo dance nan, esun di Diana "Regreso" y esun di Alydia cu tawata riba e poema recita pa Belen Kock - "Di ken anto" - Manera Diana ta bisa :"



Baile ta su pasion, musica su inspiracion"- Aruba ta stima boso. Aruba ta orguyoso di boso! Sigui comparti, inspira y alegre e curasonnan cu ta sinti boso bunita luz " Lady Diana, bo ta balente, bunita y unico. Bo ta comparti bo talentonan na maneranan mara-

viyoso y fantastico. Danki pa tur locual bo ta haci pa bo dushi isla. Semper cu pasion y amor. Exito na scol di baile Diana Antonette! God bless you!! Manera bo di : "Nos Cultura, cuid'e, balor'e, defend'e y promov'e!!"

Homber cu a hit & run deteni



ORANJESTAD - Diadomingo anochi den area di Hendrikstraat na Playa chauffeur den un auto Honda colo blauw a dal un vehiculo y a core bay.

Polis di biaha a sali en busca pe auto Honda y ta topa cu esaki den Edisonstraat. E chauffeur a logra para pa polis caminda cu a detene y hib'e warda pa pasa un test di alcohol.

Homber a scondi droga ora a mira recherche



ORANJESTAD - Diamars marduga mientras cu recherche tabata atendiendo cu un auto di accidente laga atras otro banda di Royal Plaza a capta un auto berde sospechoso.

Recherche a bay tira un bista y a topa cu un homber bon scondi den e auto pa e oficialnan no mir'e. A pone baha y topa cu sakitonan di posibel droga den su poder. E sospechoso ta bisa cu ta puero e ta y no coca. A topa cu otro cosnan mas cu e lo tin substancia scondi y a keda deteni y e recherche a confisca esaki.

Auto a dal contra palo di luz y core bay chauffeur a keda deteni



ORANJESTAD - Diamars marduga chauffeur den un Kia Rio a subi e acera cu tin na turbo rotonde dilanti Wendy's y a dal basta duro den un palo di luz.

E chauffeur a reverse y sali bay direccion ariba. Un persona cu a mira e accidente

a core yama polis di biaha y sigui su tras. E homber a para e auto na e parkeerplaats pazuid di Royal Plaza y a cana bay laga e vehiculo. Pariba di Royal Plaza polis ta topa cu e homber ta grita y e tabata musta basta cansa. E homber lo tabata bou influencia di un of otro substancia y el a wordo deteni.



**Relojes
Pulseras
Cadenas
Dijes**

Nos ta graba tur sorto di articulo di metal yama of bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

"COMPRA Y VENTA"

Bachue
Joyeros

Compramos
Vendemos
Arreglamos todo tipo de Joyas
Contamos con un Buen Surtido de Pulseras y Baterias para Relojes

Habri di Dialuna pa Diasabra
9:00am pa 1:00pm y di 2:00pm - 6:00pm

BACHUE

**JOYERIA
COMPRA Y VENTA**

Abo!

No tin tempo pa Laba y Seca bo Pañanan!

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772

**AQUA
LAUNDRY**

Nos ta traha leishi na midi pa bo potret, cuadro, t-shirt, medaya, moneda, joyas y hopi mas.

L'America Gallery
Italiestraat # 24-A
Patras di Crown Blvd.
Tel: 583-0800

15% descuento ora di traha leishi pa potret pa DIA DI MAMA y pa PROME SANTA COMMUNION.

L'America Gallery
Italiestraat # 24-A
Patras di Crown Blvd.
Tel: 583-0800

Cultivacion grandi di droga haya na un cas



ALTO VISTA - Diamars durante oranan di mainta ora cu polis tabata tin un buskeda di ilegalnan cu a subi tera via lancha marduga, nan a yega na un cas y topa cu un container a haya un cultivacion grandi di droga, mas cu 100 pochi di plantacion a keda haya.

E oficialnan a detene un homber ora a topa cu ne den e laboratorio aki. Departamento di narcotica a presenta y a confisca tur cos. Tambe a



notifica fiscal di Ministerio publico di e caso aki.

Homber cu rugtas carga cu handgranaat deteni

ALTO VISTA - Diamars merdia durante buskeda grandi di polis, K9 unit a dreña mondi y topa cu un homber cu a cuminsa core pa nan.

E oficialnan a nota cu e homber ilegal a bay haci movecion dudoso cu e rugtas y esaki a pone cu e oficial a los un tiro di advertencia. Ora e oficial a detene y controla e tas nan a bin topa cu basta handgranaat scondi den e tas. Esaki ta indica cu e personanan aki ta bin prepara Aruba.



Homber ilegal a sconde den cas di hende durante buskeda

ALTO VISTA - Diamars mainta habitante di Alto Vista a capta tres homber canando cu rugtas den e area actuando sospechoso. Oficialnan cu a yega na e sitio a nota cu dos di e sospechoso nan a core dreña mondi y un di e hombernan a logra dreña un cas pa asina sconde durante e huida.

E señora cu ta biba na e cas a nenga cu hende a dreña su cas pero manera a mira Comisario di Polis yega pa bay dreña paden cu ordo di fiscal a laga nan dreña y asina e oficialnan a topa cu e homber scondi y a detene. E homber ta admiti cu nan ta un grupo grandi a subi tera pero algun di nan cu no a logra dreña a keda den boto.



Pronostico di tempo

Tempo:

Parcialmente nubia cu localmente un awasero.

Temperatura maximo 32 grado Celsius y temperatura minimo 26 grado Celsius.

Solo lo baha awe nochi 06:54pm y lo sali mañan mainta 06:19am.



Biento:

Moderate te basta fuerte for di generalmente direccion oost; forsa 4 te 5 (20 te 39 km/ora, 11 te 21 nudo). Den dia fuerte te duro den rafaga; forsa 6 te 7 (40 te 61 km/ora, 22 te 33 nudo).

Situacion general di tempo:

Den proximo 24 ora humedad den nivelnan mas abou di atmosfera lo pone cu de bes en cuando nubianan lo desaroja den region local. Pa e motibo aki por spera principalmente den oranan di marduga y mainta localmente un awasero. Sobra di dia tempo lo keda generalmente seco. Mas aleu por bisa cu stof fini suspende den aire lo mengua visibilidad un poco den proximo dia of dos.

Condicion di lama:

Olanan di lama lo ta for di direccion oost cu haltura di 4 te localmente 7 pia; e olanan di mas halto lo ta na costanan oost, noord te noordwest di e isla.

Boto cu 19 persona a bolter; 1 persona a hoga

ORANJESTAD - Ayera mainta un boto cu 19 persona abordo a bolter y a resulta cu e casa di e capitán a hoga. Un baby abordo tabata den un situacion critico.

Esaki a sosode na costa pazuid den area di Barcadera pa Bucuti. Nan a wordo confronta cu problema ora un boto a pasa banda di nan cu velocidad halto. Como consecuencia cu ola a cuminsa dal den e boto y a pone bolter cu tur hende abordo.

Tabatin varios herido, algun nan por a trata na sitio, otro nan a wordo transporta pa hospital. Despues cu e baby a yega hospital, el a cuminsa reacciona pero e ta keda interna. Un otro dama tambe mester keda den hospital.

(potretnan cortesia di www.ArubaNative.com)



Concierto Dominical Donny Lacle a surpasa tur expectativa

ORANEJSTAD – Recientemente a tuma luga Concierto Dominical Donny Lacle na Café Musical den biblioteca na Playa.

E concierto a cuminsa cu presentacion di Tali Wever, conocido cantante y guitarrista. Tali a toca un variedad di cantica, entre otro: En mi Viejo San Juan, Usted, Madrigal. Ora Tali a caba di toca un tango, ata sorpresa!. Entre e bishitante nan tabata presente e pareha Alexander y Irina Berkley, kendenan ta bailado profesional di tango. Nan tabata dispuesto pa duna un show. Tali a toca e tango Zura Y Alexander y Irina a baila un tango. Un presentacion di calidad cu a impresiona tur hende E publico a keda encanta y a duna Alexander y Irina un aplauso grandi. Esaki ta segun e comunicado cu nos a ricibi.

A sigui un pausa chikito, e siguiente grupo a cuminsa prepara y e caha di glas a pasa rond. Loke e fundacion ta ricibi den e caha di glas ta destina pa fin di aña yuda nos hoben talentonan musical paga nan lesnan pa nan sigui progresa den nan formacion musical.

Despues a sigui un bunita presentacion di Melodia, bou direccion di Rubin Ponson. Melodia ta consisti pa un gran parti di talento hoben y algun adulto. Durante na 7 aña di existencia nan a saca sigur 12 CD. E produccion mas recien ta un CD cu a sali na luna di maart, cu ta contene diferente tema dedica na nos dia nacional, entre otro e wals Canto biaha. Ademas nan a toca Ta muhe ta manda mundo, Wayaca, Dos Gardenia y algun mas. E bishitantenan no por a wanta mas y a subi pista di bale pa marca algun paso

E cherry riba e bolo tabata ora cu Mariachi Perla di Aruba, cual grupo no mester di mas introduccion, a dreña e sala tocando. E publico a canta manera un coro gigantesco ora cu Mariachi Perla di Aruba a trece e canticanan inmortal manera, Volver, El Mariachi Loco, El Rey y algun ranchera mas.

Mester menciona cu Mariachi Perla di Aruba, bou direccion di Miguel van der Linden, dia 16 di mei venidero ta celebra no menos cu 62 aña di existencia! Comision organizado ta mira bek riba un otro concierto exitoso y ta gradici Tali Wever, Melodia y Mariachi Perla di Aruba, pa nan tremendo contribucion na e concierto aki. Manera ta custumber, tur tres a ricibi un certificado di aprecio pa nan participacion.

E siguiente Concierto Dominical lo tuma luga diadomingo 27 di mei 2018






BUY AWG. 35,- AT WENDY'S RECEIVE YOUR SCRATCH CARD AND WIN!

SCRATCH-AND-WIN
#ALWAYSAWINNER





THIS OFFER IS VALID ONLY FROM MAY 1, 2018 TO JUNE 25, 2018.
THIS OFFER IS NOT VALID WITH ANY OTHER PROMOTION
AND IS WHILE SUPPLIES LAST.

#ALWAYSAWINNER

Un bista fotografico di opendag Marinier Kazerne



SAN NICOLAS - Ayera Marinier Kazerne a teme su famoso opendag un biaha mas. E opendag tabata bon bishita y por a nota con e publicu a disfruta di diferente actividadnan andando na e momento ey.

Palm Beach, Noord, Arashi, Ponton, Washington, Hotels

FREE DELIVERY
DAILY 12PM - 11PM

THIN-CRUST PIZZA
FRESH VEGETABLE - IMPORTED TOPPINGS
CHICAGO STYLE SQUARE CUT

ORDER 1 SPECIALTY LARGE PIZZA
GET ONE MEDIUM PIZZA
ONE TOPPING **FREE**

TEL 586-9807
OPENING HOURS
12 NOON - 12AM

Located at Brickell Bay Mall next to **SAND BAR** on Palm Beach

Courtney Irausquin ta gana medaya di oro



ORANJESTAD – Recientemente e atletanan Courtney Irausquin y Aaliyah Acosta a participa na e competencia di Amazona na Corsou.

Aki ta unda cu amazona

Courtney Irausquin (9-11anja) a gana medaya di oro pa e Miho Amazona, mientras Aaliyah Acosta (15-17anja) ta keda na un di 5 luga den competencia di Equitation na Corsou. Esaki ta segun e fuente 297 Sports.



Richard Wolter a gana medaya di oro durante Dallas Spring International Open

ORANJESTAD – Durante fin di siman e atleta di jiu jitsu, Richard Wolter a gana medaya di oro durante di e Dallas Spring International Open 2018.

Diadomingo e Arubano residencia na Dallas, Merca Richard Wolter a mira accion den e campeonato grandi di jiu jitsu esta e Dallas Spring International Open 2018. Na april 2017 Richard a logra konkista e di 2 luga mientras na september 2017 el a keda na di 3 luga ambos den blue belt. Esaki ta segun e fuente 297 Sports.

E biaha aki Richard a prepara su mes miho pa e torneo aki y a bin dicidi unda e ta logra un 1 luga y e medaya di oro den Master 2 middle weight division. Sin duda esaki ta un logro grandisimo pa Richard cu despues di plata y brons awor ta logra medaya di Oro.



Shanayah Howell ta titula campeon di e competencia Copa Naciones



ORANJESTAD - Recientemente atleta Shanayah Howell a competi na Costa Rica den e competencia di Copa Naciones.

Shanayah a competi den e categoria Elite (Prof) y a gana tur su caredanan den un gran forma, titulando na mes momento como campeon. Shanayah ta den preparacion duro y hopi pisa debi cu ta desea di logra su meta pa representa su pais Aruba na Olimpiada 2020



na Tokyo. Esaki ta segun e comunicado cu nos a ricibi.

Maske bibando na Aruba y bayendo scol ta hunga un rol grandi den Shanayah su preparacion, no ta strobando Shanayah su meta pa logra su soño. E Atletanan rond mundo den e nivel aki ya ta practica e deporte aki como profesional y full-time pues nan no ta bay scol. Tambe nan tin e pistanan di Cross adecua y e caredanan semanal riba nivel profesional.

Daythan Ridderstap ta logra di 6 luga den UEC BMX European Cup

ORANJESTAD – Recientemente Atleta di bike cross Daythan Ridderstap a biaha pa Hulanda pa asina competi durante e weganan di UEC BMX European Cup na Kampen.

Aki ta unda cu Daythan Ridderstap a logra termina na di 6 luga durante di e caredanan Europeo. Esaki ta segun e fuente 297 Sports.

E hobencito aki sigur tin un futuro briyante den e deporte di BMX y mas cu claro esaki cu apoyo y sosten grandi di su mama Dichi Ridderstap.



Britannia ta gana Nacional 2-1

ORANJSTAD – Recien den fin di siman na Compleho Deportivo Guillermo P. Trinidad, Britannia ta topa cu Deportivo Nacional den un wega crucial pa clasificacion pa play-off.

E wega a cuminsa unda Britannia a sali dicidido for di prome minuut di wega cu un bon wega di combinacion y mes ora ta pone e defensa di Deportivo Nacional den un apuro. Tabata na di 4 minuut cu Britannia ta anota su prome gol, pero ta wordo anula pa motibo di posicion adelantada. Sinembargo Britannia ta sigui ataca y na di 9 minuut di wega ta duna fruta ora cu e hungado Renier Paraez ta anota cu cabes despues di a ricibi un crus'e di su compañero Coco Estrada y asina e wega ta bira 1-0 pa Britannia. Esaki ta segun e comunicado cu nos a ricibi.

Nos por a observa cu Deportivo Nacional tabata falta di su delantero principal cu ta Kenroy Ranger y di otro banda Britannia tambe tabata falta e delantero Shen Pieter. E pregunta grandi tabata con Deportivo Nacional a bin bek fisicamente for di e biahe di Caribbean Club Shield y nos por bisa cu Deportivo Nacional no a muestra cansancio y a duna bataya manera un campeon.

Tabata na di 21 minuut di wega cu e delantero di Deportivo Nacional esta Devis Oliveros ta crusa memey di dos defensa di Britannia y ta anota e gol di empate y asina halftime a bay aden 1-1. Den di dos tempo Britannia ta bolbe anota un gol y un biha mas e gol ta wordo anula pa motibo di posicion adelantada. Ta na di 30 minuut di wega Renier Paraez ta wordo benta abou den area penal y corectamente referee ta fluit penalty pa Britannia. Akinan e principal tirado di penalty di Britannia esta Luis "Coco" Estrada ta tuma e penalty pa su cuenta pero lamentablemente pa un motibo of otro ta tira riba e arca palo di gol y Deportivo Nacional ta scapa di cay atras.

Ta na di 61 minuut di wega Britannia ta haya un corner y akinan e bala ta cay den pisanan di e hungado Sebastian Montoya cu no ta basila y ta fusila e keeper di Nacional pa haci e wega 2-1 pa su team Britannia. Despues di e

gol aki Deportivo Nacional ta a aumenta e presion ariba e porteria di SV Britannia defendi pa nan keeper Kendrick Dania, pero no por a haci mucho cos mas. Tabata Britannia cu por a haci e wega 3-1, pero no por a concretisa y asina e wega ta bin caba cu un victoria importante di Britannia ariba Deportivo Nacional.

Awor Britannia tin 31 punto, RCA 28 punto faltando un wega y Bubali cu 26 punto

pero falta 2 wega pa hunga ainda.

Diaranson awor Deportivo Nacional lo topa Bubali den un wega crucial pa Bubali. Di otro banda Deportivo Nacional no kier drenta play-off cu otro derota. Diasabra RCA lo topa cu Dakota den un wega crucial tambe unda cu RCA mester di un victoria pa tin chens pa drenta play-off pero un Dakota cu kier sigui pone su stempel ariba RCA di no



permiti RCA kibra e moral di Dakota. Den e otro wega crucial SV Britannia lo topa cu

Bubali unda cu ambos team lo sali busca e 3 puntonan pa por clasifica pa play-off final.

RBC su Friends & Family Loan Sale

Pa prestamo Personal pa bo proyectonan*!

Bishita nos na rbc.com/loansdc

Durante RBC® Friends & Family Loan Sale, bo por ricibi interesnan atractivo pa tur tipo di prestamo personal, sea ta pa un biahe of pa renobacionan di cas. Tambe ricibi consehonan financiero pa probecha mas di tur posibilidadnan.

Oferta ta limita y ta termina 8 di juni, 2018.



Royal Bank

*E interes efectivo di campaña pa prestamo ta entre 6.25% cu 19% APR. y despues di campaña ta bira entre 8% cu 19% APR. E gastonan di administracion ta 1.5% di e balor di e prestamo cu'n minimo di Afl. 250. Den caso di cancelacion tin cu paga un boet di 4 luna di interes adicional riba e balansa di prestamo cu'n minimo di Afl. 500. RBC Royal Bank (Aruba) N.V. ta reserva su derecho di aprobacion. Condicionnan general di prestamo lo keda aplicabel. Condicionnan special lo ta aplicabel. ®/™ Trademark(s) of Royal Bank of Canada. RBC and Royal Bank are registered trademarks of Royal Bank of Canada.

Riverplate Damas a gana Sv Dakota Damas 9-0



ORANJESTAD – Durante fin di siman tras di lomba a continua e campeonato di futbol femenino di Arubaanse Voetbal Bond - AVB riba tereno di Franklyn Bareno na Piedra Plat entre e ekiponan di Riverplate y Dakota.

Aki ta unda cu e ekipo di Riverplate Damas a gana Sv Dakota Damas cu e score di 9-0. Esaki ta segun e comunicado cu nos a ricibi.

E ekipo di Dakota y Riverplate nan a hunga nan ultimo partido di e campeonato regular den futbol femenino. Mester bisa cu e ekipo di Riverplate a conoce un tremendo temporada unda nan a bataya y a sa na gana tanto RCA y Britannia cu ta contenedornan fuerte pa e titulo maximo den futbol femenino. Awor nan lo prepara pa e play-off final cu lo inicia despues cu e seleccion nacional di futbol femenino regresa bek Aruba. Pa Dakota e campeonato no a bay manera desea, aunke nan a bataya fuerte contra tur ekipo nan a keda cortico pa e play-off final.

Den e partido di diasabra anochi, e ekipo di Riverplate a bin dicidi y demostra bon futbol di toke cu atakenan relampago y a probecha bon di e oportunidadnan di gol cu a crea. E ekipo geel tambe a realisa algun atake riba gol pero sin mucho peligro pa e portero di River. Un bes mas e dos hungadonan peligroso den Riverplate tabata Margenine Kock cu a anota 2 gol y sigur tambe Munjeuline Tromp cu a anota un hattrick esta 3 gol. Ambos hungado



sigur lo ta esunnan cu mester tene bon cuenta cu esaki durante di e play-off final. E otro golnan di Riverplate a bini di Donna Luitjes, Ashley Douglas, Isabelle Netto y G'leen Schwengle. Keda pendiente pa e play-off

final di futbol femenino cu lo conta cu e cuater ekiponan esta Britannia Damas cu a caba na di prome luga sigui pa RCA na di dos luga, Riverplate na di tres luga y La Fama Damas cu a caba na di cuater luga.

Parlamentario Alan Howell (POR):

‘Ora ta trata nos pueblo, mi no ta haci wega’

ORANJESTAD - Durante tratamiento di presupuesto, parlamentario Alan Howell, a presenta den nomber di fraccion di POR un mocion pa urgi gobierno pa baha prijs di awa y coriente.

Tur hende sa cu e prijs di awa y coriente ta loke tin hopi di nos hende nan saco horca. Ora cu e mocion a wordo presenta, teniendo na cuenta cu ta na interes di tur hende cu ta biba riba nos isla, a pensa cu e mocion lo a pasa unanime. Pero pa sorpresa di un y tur, fraccion di AVP a vota contra.

Esaki, pa sr. Howell, ta increibel pa mira con fraccion di AVP no tin sentimento algun pa cu nos pueblo. Ken cu ta stima su pueblo di berdad; no lo por vota contra un mocion asina. Danki na Dios cu e coalicion POR MEP y RED si a vota pro y e mocion a pasa cu exito. Awor parlamento lo vigila ki dia gobierno lo cumpli cu pueblo. Prome minister Evelyn Wever-Croes (MEP) a confirma na parlamentario Alan Howell, cu el lo cumpli cu e deseo aki mas lihe cu ta posibel. Sr. Howell a finalisa bisando cu ora trata nos pueblo e no ta haci wega.



Parlamentario Jennifer Arends-Reyes (AVP):

‘Mocion presenta pa cancela independisacion di scolnan publico acepta’

ORANJESTAD - Parlamentario Jennifer Arends-Reyes ta muestra cu despues di algun dia intensivo di tratamiento di presupuesto 2018, esaki ta tras di lomba, den algun reunion cu a resalta diferente interrupcion di parti di publico den tribuna cu na algun ocasion tabata ofensivo y menasante.



Di parti di AVP nos a cumpli cabalmente cu nos responsabilidad y den e tiki dianan cu a haya pa prepara nos mes pa tratamento di e presupuesto, nos a logra di dirigi un total di 997 pregunta riba e presupuesto aki. Fraccion di AVP a traha a base di cu un coordinacion, caminda cu cada un parlamentario tabatin su propio tema principal cu nan kier a trece dilanti. Mientrastanto cu di parti miembronan di fraccion di MEP; practicamente tur a trece dilanti mesun cos y nan no tabatin temanan specifico.

Un cantidad bastante grandi mocionnan a wordo presenta durante di e reunion aki, compara cu añanan anterior, caminda kisas e cantidad di mas halto cu a yega di presenta, tabata te cu 60 mocion, pero den e reunionnan di presupuesto 2018, a presenta un total di 86 mocion pa parlamento atende.

Den esakinan nos por a tuma nota di un cantidad di deseonan cu miembronan di fraccionnan cu ta sostene gobierno a trece dilanti. Varios di e mocionnan tabata un repeticion riba

mesun tema, pero tambe mocionnan cu tabata bastante discriminatorio den nan contenido; loke a rekeri hopi estudio pa mira kico ta e intencion tras di esakinan. Ya cu na momento ora un mocion haya sosten di parlamento, esakinan tambe por wordo implementa.

Mi persona a presenta un mocion cu sigur ta circulando pa hopi tempo den comunidad e ultimo lunanan; ta principalmente den e sector di enseñansa. A pesar cu algun parlamentario cu ta sostene gobierno; ta muestra cu lo ta trata di un grupo limita, pero e grupo di maestronan di dienst publico (DPS) so ta conta mas cu 1000 maestro y kendenan pa gran parti ta sinti hopi inseguridad riba kico ta e intencion nan di parti gobierno pa independisa enseñansa aki na Aruba.

Pa algun luna caba tabatin diferente actividadnan riba e topico aki den comunidad, caminda nos fraccion a reuni cu varios grupo di maestronan,

caminda hasta tabatin accion di firma, pa muestra nan inquietud pa cu e intencion di gobierno pa independisa DPS. Un desaroyo cu a bin ta afectando hopi di e maestro nan, pa motibo di stress cu nan ta sinti relaciona cu e incertidumbre pa cu e pensamiento y intencion di parti gobierno pa cu futuro di DPS.

Relaciona cu esaki tambe mi persona den nomber di nos fraccion a formula un mocion, nr. 33 cu a wordo aproba, riba e punto aki y cu ta bisa lo siguiente: Considerando cu minister di enseñansa (RED) a anuncia e intencion pa independisa scolnan publico na Aruba, den e plan di e minister di enseñansa esaki lo nifica cu scolnan publico lo cay bou di un fundacion nobo, y no mas bou responsabilidad directo di gobierno, segun e minister di enseñansa.

E cambio proponi pa e minister di enseñansa lo tin consecuencia pa entre otro; e posicion huridico di e personal educativo mas e personal di sosten di scolnan, pa e manejo y tambe un punto importante; e financiamiento di scolnan publico. E consecuencianan aki; ta causa sigur di intranquilidad y inseguridad grandi bou personal educativo y di sosten di scolnan publico. E intranquilidad y inseguridad aki no a wordo kita pa e aplicacion di e minister di enseñansa y su conseheronan.

Enseñansa na Aruba tin mester di mas atencion pa mehoracion contin-

uo di calidad di nos enseñansa y no di cambianan innecesario asina, cu a crea intranquilidad y inseguridad bou maestronan y personal di sosten den scolnan. Personal di scolnan publico y sindicato cu ta representa e personal aki, sigur a expresa nan rechazo rotundo pa e plan di independisacion di scolnan publico den reunionnan tanto cu minister, cu reunionnan cu miembronan di parlamento, den prensa, radio y corantnan, y sigur tambe riba social media. Tambe e miembronan di parlamento di diferente fraccion a expresa publicamente, e desaprobacion di e intencion di independisacion di scolnan publico. Esaki ta nifica cu no tin suficiente sosten pa e intencionnan di minister ni den enseñansa ni den parlamento.

P’esey e pronunciancion ta bisa: Ta urgi minister di enseñansa pa cancela den forma definitivo e plan pa independisa scolnan publico y pa informa scolnan publico y personal di scolnan publico di e decision pa cancela den forma definitivo e plan di independisacion di scolnan publico. E cancelacion definitivo di e plan aki ta inclui tambe pa independisa colegio educacion profesional intermedio (EPI). Ta un mocion cu a wordo aproba pa parlamento loke ta muestra cu no tin sosten di parlamento pa independisa scolnan publico y si minister riba su mes kier continua cu e proceso aki, sin bin parlamento, sigur mi ta kere ta e rumbo incorrecto cu e minister kier sigui tuma, sra. Arends Reyes a muestra.

Parlamentario Mike de Meza (AVP):

‘MEP no a siña di su historia di medida y pueblo lo carga e consecuencia’

ORANJESTAD - Den forma bon cla parlamentario Mike de Meza a muestra, cu fraccion di AVP, no ta di acuerdo cu e paketenan di medida cu gabinete Wever Croes a presenta den su concepto di ley di presupuesto, cu a wordo trata ultimo dlanan den parlamento.

De Meza a enfatisa cu e medidanan aki lo bay tin consecuencia grandi pa henter pueblo, pero principalmente pa esunnan di menos entrada kendenan lo wordo perhudica pa e medidanan aki, cu simplemente no tin hustificacion pa wordo introduci na e momentonan aki. Nos ta bay mira un efecto increibel y pisa pa henter pueblo. Un di efecto nan ta e aumento di BBO y BAZV, cu lo bay subi cu 6% y su efecto cu esaki ta bay tin un efecto pa e poder di compra y economia di Aruba, lo bay ta dramático.

Pa duna un chempel simpel di esaki ta na momento cu e aumento drenta den efecto,



ta bay mira un aumento den prijs di gasolin di entre 9 pa 10 cen inmediatamente y riba dje tin otro medida cu ta e 10 cen di accijs riba gasolin, caminda si e prijs di gasolin keda para na unda cu e ta awe, pueblo lo mira durante di transcurso di lunanan cu ta bin, un aumento di 20 cen riba un liter di gasolin.

Esaki lo trece complicacion pa economia en general y lo tin su efectonan sumamente grandi pa inflacion y tur esunnan cu ta duna servicio di

transporte manera; chauffeurnan di autobus, pero tambe pa servicio di Arubus y taxistanan, tour busnan, tur lo mira un aumento dramático riba nan operacion. Den tiendanan tambe lo bay mira un aumento basta dramático riba prijsnan di productonan.

Esaki a nifica cu su efecto ta bay ta bastante pisa pa hente comunidad di Aruba y sigur pa esunnan di menos entrada. Ta p'esey nos ta insisti cu tin otro forma nan pa atende cu locual cu nan ta bisa ta e situ-

acion financiero. Nos tin cu corda aki cu na momento cu nos a drenta den gobierno na 2009, tabatin retonan sumamente grandi y tur gobierno na nan entrada di gobernacion ta haya nan mes enfrenta cu retonan.

Locual ta importante ta; pa bo analisa, pa bo tin vision y pa bo lora manga di cuminsa traha y loke nos por mira aworaki lastimamente cu e gobierno di coalicion aki ta tipifica su mes pa persecucion politico cu ta di lamenta y medidanan. E ta locual historicamente nos a conoce tambe di e partido mas grandi den e coalicion aki, cu ta MEP, cu prome cu status aparte tabatin medidanan basta pisa cu a wordo tuma, den añanan 89 bay ariba, tambe a tuma medidanan basta severo hunto cu persecucion politico.

Den añanan 2001 pa 2009 esaki tabata e accento di e gobierno cu tabatin signatura di MEP tambe medida, medida, medida y ora cu bo mira, no tabatin control riba gastonan

caminda tabata yena e aparato di gobierno cu conoci y famianan y ta yena esaki riba un nivel cu ta bira irresponsabel y ta p'esey e gastonan ta sigui aumenta.

Awor na 2017, MEP ta haci entrada den e gobierno nobo y inmediatamente por a nota cu ta bay na practicanan tradicional caminda ta introduci medida, lubidando tambe riba e efectonan dramático cu esakinan lo bay tin riba pueblo, caminda e poder di compra lo cay y inflacion lo aumento basta dramático.

Pero tin otro forma cu por stimula economia dor di e medidanan aki ta bay mira un caida den nos economia cu lo bay afecta e bida socioeconomico na Aruba dramáticamente. y esey ta di lamenta pa motibo cu nos a spera cu for di experiencia y for di historia, MEP lo a saca e conclusionnan ey y nan lo a bay mucho mas cauteloso cu e tipo di accionnan aki, sr. de Meza a muestra.

Parlamentario Rocco Tjon (MEP):

‘Un presupuesto realistico cu a wordo firma mes ora pa gobernador’

ORANJESTAD - Pa loke ta trata presupuesto di pais Aruba, parlamentario Rocco Tjon (MEP), kier a toca 3 punto cu a resalta.

Na prome lugá ta trata un presupuesto realistico y cu, segun CAft, ta e prome paso significativo pa resolve e situacion financiero, social y economico. Na di dos lugá e falta di un traspaso di mando madura ta resalta y esaki no ta na bienestar di e departamentonan y pais Aruba. Y por ultimo durante reunion publico, unanimamente a aproba riba 50 mocion.

Presupuesto realistico

Ariba 2 di februari 2018 CAft a informa parlamento di Aruba; pa loke ta presupuesto 2017 lo cera cu un deficit di 5.5%. Esaki debi na entradanan artificial cu a wordo uza pa yega na presupuesto 2017. Entradanan aki no a drenta te cu dia di awe. E presupuesto actual conoce un deficit di 3.0%. Y segun e plan di sanacion di e debe nacional lo baha te na 86% na aña 2021.

Mocionnan

Nos no kier cay den e politica anticua di fraccion di AVP, pa discuti kico e cantidad di mocion nan ta nifica. Lamentabel ta si cu fraccion di AVP ta urgi gobierno pa haci cierto cosnan, ta bay unanimamente di acuerdo cu fraccion di MEP pa loke ta riba 50 mocion, pero ta vota contra presupuesto. Remarcabel ta cu coleganan di AVP mester compronde cu sin un presupuesto no por ehecuta e mocionnan cu nan mes a vota na favor.



Ta lamenta cu no por a conta cu sosten unanime pa loke ta trata mocion 63, entrega pa lider di fraccion di MEP y parlamentario Setty Yarzagaray (MEP), caminda ta urgi gobierno; pa (1) den luna di augustus venidero bin parlamento y duna un actualizacion pa loke ta desaroyo di presupuesto 2018. (2) entrega presupuesto 2019 no mas tarda 1 di september y (3) haci un investigacion na un manera responsabel y structural pa asina logra baha; gasto di gobierno pa loke ta personal, energia, licencia pa

software, gastonan di e flotan di auto y gastonan relaciona cu telecomunicacion.

Traspaso madura

Por ultimo kier remarca cu e luna aki lo haci entrega di un ley di iniciativa cu lo garantiza un traspaso di mando madura y responsabel.

Na final di dia politiconan t'ey pa sirbi pueblo y traha na bienestar di e diferente departamentonan gubernamental.

Parlamentario Hendrik Tevreden (MEP):

‘Contrario na recreacional, cannabis medicinal ta keda cu mi sosten’

ORANJESTAD – Durante e ultimo dia di presupuesto, e asina yama mocion pa cannabis a keda presenta pa cual parlamento den su mayoria a vota contra.

Mas cu claro, oponentenan politico no por a warda ni un rato pa sali brucha tera di un manera formal, haciendo wega politico cu esaki. Colega parlamentario Ricardo Croes di fraccion di RED a presenta e mocion cu ta basa su mes principalmente riba discriminacion contra personanan di e creencia rasta, pero mas esencial ainda, riba test di droga cu ta wordo haci inhusto riba un persona, categorisando e como un riesgo pa trabou siendo cu e persona no a ni cuminsa traha ainda.

Aunke mi ta comprende sr. Croes (RED) su pensamiento, mi mester bisa cu ora ta trata cannabis medicinal bo ta trata cu salud. Pues nos tin di keda den e contexto. Cu nos a bay di acuerdo pa hacie como algo tolerabel manera cu a propone, e ta habri porta pa legalisacion indirecto pa recreacional; algo cu ni ami, ni mayoria colega, ni tampoco e gobierno den coalicion



ta para pe.

Manera nos prome minister Evelyn Wever-Croes (MEP) ya a indica na varios biaha, tin un comision asigna pa haci nan due diligence riba e topi-

co aki. Pa e mesun motibo aki durante mi stem motivering mi a bisa; cu garoshi no ta core dilanti di e cabay, mas tambe cu cannabis medicinal tin su tempo. A pesar cu investigacionnan mundialmente ta andando rigurosamente, ya ta tin casonan mundialmente unda cu cannabis a prevalece cu beneficianan medicinal, esaki ta e motibo cu gran mayoria ta pro medicinal.

Na Aruba e comision asigna tin di atende cu varios sondeo, entre nan; por ehempel e impacto transcultural y e impacto socioeconomico pa menciona algun. E trabounan di e comision ya a cuminsa y naturalmente nos kier pa nan acelera e proceso, pa mas tanto hende cu ta desea por haya e oportunidad di tratamento cu medicina alternativo. Pues manera cu ta cita den e programa hunto pa Aruba bou di punto di medicina alternativo lo mantene na e palabracionnan y implementa e proceso pa legalisacion di cannabis medicinal, pa tur persona cu ta desea por tin e oportunidad pa por scoge medicina alternativo cu a muestra avancen y alivio riba diferente

malesanan, semper y cuando esaki bay bou e supervision adecua y regula door di profesionalnan den e ramo.

Cannabis medicinal y cannabis recreacional no ta mescos. Mayoria hende cu ta uza cannabis recreacional, ta tras di e experiencia cu ta bini cu esaki. E ingrediente delta-9 (THC) den cannabis ta duna un efecto psikico activo of cambio den e estado mental. Esey ta e motibo cu cannabis halto den THC ta popular pa esunnan cu ta uze recreacionalmente. En cambio, generalmente esunnan cu ta uza cannabis medicinal ta buscando un tratamiento y/o alivio fisico o emocional. Nan kier sinti miho y no necesariamente kier un efecto psikico activo.

Nan ta haci uzo mas tanto di e azeta di cannabis oil (CBD) den e cannabis, cu a muestra di tin efecto ariba nan malestar. Pues ta un diferencia grandi cu bo no por categorisa recreacional y medicinal como igual. Cannabis recreacional ta keda castigabel pa ley y polisnan lo sigui actua contra plantacion, distribui y bende-mento di esaki.

Michella Steenvoorde - Laclé (POR):

‘Porfin gobierno lo bay traha riba integracion’

ORANJESTAD – Diahuebs ultimo durante tratamiento di presupuesto 2018, minister Andin Bikker (POR) a duna presentacion di su presupuesto di cada departamento cu ta cay bou di su maneho.

Un presupuesto cu gobierno di AVP mester a entrega na luna di september 2017 manera ley ta prescribi. No obstante a scoge e caminda mas facil y cobarde y a laga esaki cay full bou di responsabilidad di gabinete Wever Croes. Esaki ta un di e motibonan cu e presupuesto a dura cinco luna pa ser trata.

Sr. Bikker su reparticion di cartera, segun e Landsverordening Instellingen Ministeries (LIM) ta conta cu 13 departamento cu ta cay bou di su responsabilidad di cual DIMAS y IASA cu ta nobo den e constelacion aki. Durante discusion di presupuesto sr. Bikker a presenta su maneho pa cambia e Landsverordening Toelatig Uitzending en Verwijdering (LTUV), pa asina haci ley di admission mas transparente, humano pero tambe estricto.

Intencion di esaki ta pa pone mas enfasis riba integracion

di migrantenan, maneho cu actualmente ta trahando riba dje. Integracion ta encera cu diferente grupo den sociedad ta yega na otro pa biba den harmonia, adapta su mes na e pais nobo y tambe pa e pais por acepta e migrante como un ciudadano den e sociedad.

Relaciona cu integracion a presenta tambe un mocion durante tratamiento di presupuesto 2018 unda ta pidi pa bin cu un integratie toets. E toets aki ta encera cu e ciudadano nobo mester siña e idioma Papiamentu, Aruba su cultura, historia y tambe norma y balornan. Cu e exigencia aki lo kier enfatisa riba sostenibilidad di e prolongacion di permiso pa un tempo largo y garantisa sobrevivencia di idioma Papiamentu conhuntamente cu un servicio debido na sector hotelero y asina mantene calidad.

E ponencia y escogencia di sr. Bikker ta carga cu mi sosten pa e siguiente motibonan; e cifranan di Aruba Migration and Integration Survey (AMIS) estudio haci door di central bureau statistiek (CBS) y cu ta den su fasenan final pa ser publica, ta muestra e cantidad minimo di migrante cu ta tuma e iniciativa



pa siña nos idioma y practica esaki. Ta mas cu claro cu si Aruba kier preserva su idioma, su identidad, norma y balornan mester implementa e programanan di integracion.

Aruba su hendenan ta conoci pa añanan largo pa un pueblo servicial. Un di Aruba su aspectonan primordial ta e calor di su hendenan cu ta haci e turista sinti su mes na cas y rondona di seguridad. E cualidad cu Aruba su hendenan por comunica den cuater idioma of mas ta predominante den escogencia pa bishita

Aruba.

Mas cu 85% di bishitantenan ta procedente di Estados Unidos y tambe Canada y segun e rapport di CBS Statistical Orientation di 2015 ta indica un promedio di 57% di habla Ingles. Por lo tanto ta di suma importancia pa esunnan cu ta yega Aruba pa busca un miho porvenir, mester por comunica den e idioma Ingles debidamente. Algo esencial pa sigura cu Aruba ta keda den e circulo di un di e miho destinacionnan den Caribe. Den e ley nobo di LTUV tin indicacion caba den e direccion di

un integratie toets esaki ta un toets cu mester pasa pa bo por prolonga permiso di trabou. E toets aki no ta mescos cu un naturalisatie toets cu ta un toets cu bo mester pasa ora bo kier un paspoort Hulandes.

E intervencion educacional lo cambia e perspectiva a base di un bon analisis haci, implementando un miho teoria y polisa cu lo yuda e inmigrante den su crecimiento psicosocial. Siñando e pa stima mas e suela di nos isla y adapta e cultura como esun propio. Den un mocion entrega na parlamento dia 24 di april, a urgi gobierno di Aruba den cuadro cu otorgamento di cada permiso cu excepcion di e prome permiso, pa pone como un exigencia pa por bin na remarke pa e permisionan aki, cu e persona mester pasa un examen di idioma, cultura y historia cu lo bay den fase den acuerdo cu e periodo cu e persona tin na Aruba.

Integracion nos lo por logra si nos logra respecta otro completamente. E lo ta un energia di duna y tuma, un balans cu nos mester logra pa nos futuro generacionnan. Nos cordialidad ta e materia prima di nos pais, y conserva esaki.

Parlamentario Mervin Wyatt-Ras (AVP):

‘Mocion encuanto di turismo medico a ser aproba’

ORANJESTAD - Parlamentario Mervin Wyatt-Ras durante reunion publico encuanto e presupuesto 2018 di Turismo y Salubridad a presenta un mocion pa introduci turismo medico na Aruba.

Esaki relata na e facilidad di IMSAN cu lo bay ser expande y renoba. Na Instituto Medico San Nicolas (Imsan) e.o. lo bay construi un kelder (bunker) pa radiologia. E costo nan ta alrededor di 61 milyon. Tin un bidding pa e diferente companianan cu por traha na e proyecto. Lo tin sosten di y cooperacion cu Baptist Health di Florida cu lo ta acredita pa joint commission international (JCI) y garantisa calidad di cuido.

En bista di esaki sra. Wyatt-Ras a entrega un mocion durante reunion publico pa ora e facilidad ta cla crea posibilidad di turismo medico na Aruba cu tratamiento di

pashentnan di exterior banda di nos propio pashentnan. Pa aña mas o menos 200 pashent di Aruba ta ser manda den exterior pa tratamento. Trahandando hunto cu Baptis Health lo garantisa e calidad di cuido halto certifica y por crea e posibilidad cu specialistanan por intercambia y haya mas experiencia na un hospital Mericano.

Ademas no tin cu manda pashentnan local pa tratamento den exterior mas paso nan por haya tratamento aki na Aruba mes, locual lo baha gastonan di algemene ziektekosten verzekering (AZV) y lo contribui na un proceso di saneamento miho y mas rapido pa e pashent local paso e pashent no tin cu laga su yiunan y famia atras ni perde dianan di trabou. E pashent cu lo bin di exterior por keda den un di nos bunita hotelnan y gosa di e tranquilidad y bunitesa di nos isla durante cu e ta haya su tratamiento.

Aki por introduci un otro pilar di nos economia.

Den reunionnan di Interparliamentary Kingdom (IPKO) den presencia di delegacionnan di Hulanda, Corsou y St. Maarten a discuti na varios ocasion tocante cuido specifico riba tereno di oncologia na Aruba. E director di IMSAN, sr. Raynherc, na varios ocasion a duna presentacion tanto na parlamento como na diferente conferencianan y tambe IPKO encuanto e facilidad di IMSAN y su expansion di servicio oncologico y por bisa cu porfin por cuminsa cu dicho proyecto.

Sra. Wyatt-Ras a keda satisfecho cu tanto gobierno como miembronan di parlamento excepto un so a sostene e mocion. E parlamentario ta señala cu esaki ta un proyecto tambe di gobierno anterior cu ta continua paso e ta un bon proyecto den bienestar di nos hendenan.



Parlamentario Edgard Vrolijk (MEP):

‘Mi ta gradici e docentenan pa nan confianza pa papia den nan number’



ORANJESTAD - Siman pasa nos a trata presupuesto 2018, esaki a ser aproba den oranan di marduga pa parlamento y cu e dia siguiente gobernador a firma esaki.

Esaki ta muestra di confianza den gobierno unda cu a entrega un presupuesto basa riba cifranan real, pues un presupuesto cu ta duna pueblo e speranza cu Aruba lo conoce un cambio pa miho.

Madurez politico

Durante tratamento di e presupuesto nos a toca e aspecto di dienst publieke scholen (DPS). Esaki ta keda un punto di preocupacion bao di cuerpo di docentenan di DPS, pero ta algo cu nos como parlamentario a atende debidamente. Den nos bishitanan na scol nos a bin topa cu e punto di independisacion di DPS. Mi persona a reuni cu varios scol hunto cu parlamentario

Shailiny Tromp-Lee (MEP), unda cu e docentenan tabata vocifera nan preocupacion.

Basa riba esaki sr. Vrolijk a pone 2 punto importante dilanti; 1. Pa minister di enseñansa Rudy Lampe (RED) reuni cu docentenan y convene nan pa bay den e independisacion di DPS. 2. Cu unabes nan tin e sosten sigur nos di parlamento lo apodera e minister pa lanta e fundacion.

Pero ora cu minister Lampe a reuni cu e maestronan cos a bira pio y unda cu docentenan a pidi pa reuni cu mi persona y fraccion di MEP, pero mi persona a opta pa invita tur fraccion, pues di RED, POR y AVP pa ta presente y pa asina muestra madurez politico. Na final di e reunion tur fraccion a para hunto cu mi ponencia, unda cu e minister mester tin e sosten pa sigui cu esaki. Si e no tin esaki e lo no ser sosteni pa haya e apoderacion pa lanta e fundacion.

Accion di firma

Docentenan no a keda nada convenci cu e splicacion di sr. Lampe y a cuminsa un accion di firma unda cu nan ta pone nan puntonan di preocupacion y cu docentenan di

scolnan publico incluyendo docentenan di educacion profesional intermedio (EPI) no ta sostene e privatisacion di DPS. E firmanan colecta a ser entrega na minister y tambe na mi persona y mi ta gradici nan pa e confianza pa cu esaki, pasobra e grupo di docentenan sa cu nos ta tuma nan trabao y nan posicion huridico hopi na serio y cu trabao di hende nos no ta haci wega.

Y durante tratamento di e presupuesto sr. Lampe a enfatisa cu e lo pone e asunto di DPS un banda debi cu e no tin e sosten di e cuerpo di docentenan. A bin un mocion di parti di colega di parlamento sra. Arends-Reyes (AVP) pa suspende definitivamente e asunto di DPS. Nos a sostene e mocion aki como muestra di madurez politico. Alabes nos ta contento cu 9 mocion cu mi persona a traha cu ta regarda entre otro mocionnan di deporte, enseñanza y tambe uno social a ser sosteni. Como ehempel di un mocion ta e mocion pa aumento di 50% di deducion di studielening ora paga esaki den un solo pago pa studentenan y cual mocion a ser aproba unanimamente.

Trankilidad

Ta p’esey un biaha mas mi ta gradici esunnan di e cuerpo di enseñanza pa nan confianza pa duna mi persona e apoderacion di por para pa nan y papia den nan number, unda cu si e minister di Enseñansa no tin un apoyo di sosten, e independisacion di DPS lo no por ser concretisa. Y sigur mi persona na e momentonan aki ta representa pueblo y e cuerpo di docentenan ta parti di pueblo, unda cu nan puntonan di preocupacion ta valido, pero locual ta duna nan mas balor ainda ta nan curashi pa pone nan firma unda cu nan ta duna di conoce cu nan no kier bay pa DPS ser privatiza y sigur nos di parlamento tin e instrumento pa esaki no pasa y cu nos di parlamento tin di para pa pueblo.

P’esey durante reunion mi a duna mas importancia na e firmanan cu na e mocion cu na final di dia ta un deseo mientras e firmanan ta duna e apoderacion pa papia y actua conforme boluntad di un cuerpo di docente, cu awor por ta mas trankil y por dedica e ultimo simannan pa haci lo maximo pa mas hoben por pasa nan aña y otronan por pasa nan examen cu exito.

Aurora Funeral Home

Tel: 593-0857 / 588-6699 / 560-1403
Fax: 588-6698

Laga tur kos cu ta spera mi ta bunita, laga tur locual cu mi encontra na caminda ta bunita, laga tur locual cumi a laga atrás keda bunita y laga esakinan termina den tur bunita”.



Cu hopi tristeza pero conforme cu boluntad di Dios, nos ta participa fayecimento di:

Simeon Koolman

Miho conoci como “Jenny”
★ 21 April 1938 – +30 April 2018

Ta invita tur amigo, bisña y conocirnan pa asisti na e acto di Entiero cu lo tuma lugar diasabra 5 di mei na Aurora Funeral Home. E restonan mortal lo ta reposa for di 2or te 4or di atardi na Aurora Funeral Home.

Cremacion lo tuma lugar despues den ceno familiar. Nos ta participa cu despues di entiero no ta ricibi bishita di condolencia na cas. Nos disculpa si den nos tristeza nos por a lubida demas famia y conocirnan.

Royal Funeral Home



Señor ta mi Wardador, mi n’ tin falta di nada; den kunuku di yerba berde E ta pone mi sosega. E ta hiba mi na awa trankil, pa mi bolbe haña forsa. Salmo 23

A fayece inesperadamente nos tata, welo, yiu, ruman y omo stima:

Lauriano Reginald Lacle

Cariñosamente yama Reggie Caiman
April 12, 1960 - April 27, 2018.

Acto di entiero ta tuma lugar diasabra 5 di mei 2018 na Royal Funeral Home di 9’or pa 11’or di mainta despues saliendo pa Santana central Sabana Basora.

Oportunida pa condolencia: Royal Funeral Home, diahuebs 3 di mei 2018 di 7’or pa 9’or di anochi.

Aurora Funeral Home

Tel: 593-0857 / 588-6699 / 560-1403
Fax: 588-6698

“Señor ta mi wardador, mi’n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa”. Salmo: 23



Cu inmenso tristeza na nos curazon nos ta participa fayecimento inesperadamente di:

Orlando Michael Montilla-Mavarez

★06-01-1975 †30-04-2018

Acto di entiero lo wordo anuncia despues.

Aurora Funeral Home

Tel: 593-0857 / 588-6699 / 560-1403
Fax: 588-6698

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atrás keda bunita y
Laga esakinan termina den tur bunita.
Cado Wever.



Nos ta anuncia fayecimento di:

Sra. vda. Erna Yolanda Angela

★29-08-1945 - †26-04-2018

Na number di su:

Esposo: †Marco Federico Ruiz

Yiunan: Milangela Ruiz y Pin Koolman
Rino Ruiz

Nietonan: Minouche y Yzek Koolman
Laura y Bryan Ruiz

Rumannan: Hortencia y Cletano Stamper
†Roque Angela

Subrino(a)nan: Susan y Errol Eckmeyer y yiu
Franky Stamper
Sharon Angela y yiunan

Omo y tantanan: Rosendo Colina y famia
Sofia Donker y famia
Nieves Gomez y famia
Maria Refunjol

Primo y primanan

Bon bisiñanan: Ika Erasmus y famia
Emilia Tromp y famia
Bernadette Willems y famia
Grecia Ruiz y famia

Amiganan di cas:

Baby Robles y famia
Margot Kelly y famia
Mirna Gonzales y famia
Lucia Wever y famia
Olga Croes y famia
Dahlia Vingal y famia
Petra Eduardo y famia
Lilian Citroën y famia
Elba Pietersz y famia
Margareth Kremer y famia
Tessa Wilson y famia

Y demas amiganan di club di orquidia

Demas famia: Angela, Ruiz, Colina, Stamper, Wever, Refunjol, Koolman, Eckmeyer, Cardenas, Donker, Marin, Gomez, Arends, Wathey, Erasmus, de Freitas, Croes, Haagen y De Cuba

Nos disculpa si den nos tristeza nos por a lubida un of otro famia.

Acto di condolencia y entiero ta tuma lugar diabierna 4 di mei 2018 na Aurora Funeral Home di 2’or pa 4’or di atardi, despues lo sali pa Santana catolico Pastoor Kranwinkel na Paradera.

Aurora Funeral Home

Tel: 593-0857 / 588-6699 / 560-1403
Fax: 588-6698

Psalm 23: De Heer is mijn herder, mij ontbreekt niets. . .

Veel te vroeg is van ons heengegaan, onze zoon, vader, schoonvader, opa, broer en oom



Edward Glenn Hagens

Paramaribo, ★ 15 Juni 1958
Aruba, † 25 April 2018

Moeder: Wed. Antonia Hagens- van der Have
Vader: †George Hagens

Ex- echtgenote: Marlene Sibilo

Kinderen: Jo-Ann & Nelson Lopez-Hagens
Brian Hagens & Divnad Webb
Jhon Edward Hagens

Klein kinderen: Dylan Hagens
Daniël Hagens
Jaylen Lopez

Broers en Zusters:
Erna Chin-Hagens en familie
Harold Hagens en familie
Eric Hagens en familie
Yvonne Hagens en familie
Janny Hovel en familie

Vriend van de Familie: Louis Robles en familie
Moeder van Jhon Edward: Margoth Dominquez en kinderen

Mogelijkheid tot condoleren is op woensdag 2 Mei 2018 van 7.00-9.00 p.m. en donderdag 3 mei 2018 van 2:00 tot 3:30 te Aurora Funeral Home

De plechtigheid voorafgaand aan de crematie zal op donderdag 3 mei 2018 om 3:30 pm in besloten kring plaats zal vinden. Onze verontschuldiging als we in ons verdriet een naam van een familie of vriend zijn vergeten

Aurora Funeral Home

Tel: 593-0857 / 588-6699 / 560-1403
Fax: 588-6698

E ta guia mi den kaminda drechi fiel na su Number. Maske mi pasa den e kloof di mas skur, mi no tin miedo di nada: Abo ta ey ku bo garoti y baston, ta nan ta mi ampara. Salmo 23



Agradecido pa tur locual el a nifica pa nos y conforme cu boluntad di Dios, nos ta anuncia fayecimento di:

Carmen Maria Calmes

Mihor conoci como “Shon Ca”
★16-07-1926 – †27-04-2018

Acto di entiero lo wordo anuncia despues



Tel: 593-0857 / 588-6699 / 560-1403
Fax: 588-6698

Bless the LORD, O my soul:
and all that is within me, bless
his holy name.
Bless the LORD, O my soul,
and forget not all his benefits: -
Psalm 103:1,2.



With immense sorrow yet
most thankful to God for all
she meant and did for us, we
announce the passing
and home going of our beloved mother, grandmother,
aunt, great aunt and mother-in law

Mrs. Dorothy Zethila Williams-Cannegieter

Wife of the late Alfred Atherbert (Churchill) Williams.
Also known as: Oma Juice, Oma Darling and Auntie
Dots.

September 24th 1931 – April 25th 2018

On behalf of her,
Children:

Desiana Williams-Peeters & Harry Peeters. (The
Netherlands)
Esther Williams & Rudolf Offringa.
Elaine Williams.
Ruth Williams.
Natasha Phatela-Williams & Thabang Phatela.
(Namibia)
Like daughter Karine Tromp

Grand Children: Quincy Offringa.
Sarah-Quita Offringa.
Allyshance Bardouille. (The Netherlands)
Itumeleng Phatela. (Namibia)
Dineo Phatela. (Namibia)
Senate Phatela. (Namibia)

Cousins: Eugenie (Jenny) Cannegieter, Iona
Richardson, Harry Cannegieter and
Louis Cannegieter,

Nieces, Nephews: in St. Maarten, St. Eustatius, the
United States, and the Netherlands.
Ramona Cannegieter, Johnny Cannegieter, Henry
Cannegieter, Jacky Cannegieter, Irma Duzong,
Lenora Cannegieter, Ruby Cannegieter, Delris
Cannegieter, Esther Jeffers-Cannegieter, Ruth Ann
Athanase Cannegieter,
Celeste Hassel, Norma Cannegiter, Luis (Dolfo)
Cannegiter,
Merle Berkel, Beryl Hodge-Berkel, Violet James-
Berkel, Cheryl Berkel, Annette Marlin-Berkel,
Angelica Braithwaite-Wilson, Altagracia Braithwaite-
Cannegieter, Irma Wilson.
Elsa Nicolas, Lorna Nicolas, Cheryl Nicolas.

Relatives: Cannegieter, Cannegiter, Berkel,
Wilson, Nicolas, Peeters, Offringa, Phatela,
Kruythoff, Van Heyningen, Richardson, James, Jacobs,
Davis, Lejuez, Gibbons, Alberto, Clarke, Brown,
Bandin, Suares, Hallman, Peterson.

Close friends: Clea Tromp, Ruby Isidore, Ronny
& Mena Kelly, Maritza van Romondt, Beryl Illidge,
Leonie Jansen, Bibiane Helaise, Glenda Willems,
Louise Hodge, Susanna Bennette, Max & Sita
Semeleer

Sisters and brothers
in Christ of: The Iglesia Aliansa Evangelica Oranjestad.

We herewith invite you to attend the funeral service
on Friday, May 4th 2018 from 1.30pm – 4pm at the
Iglesia Aliansa Evangelica Oranjestad, in Constantijn
Huygenstraat 17, Mon Plaisir. Followed by the burial
at the Algemene Begraafplaats (Government Cemetery)
Caya E. Petronia (across from Topcar).
Condolances: thursday, may 3rd 2018 from 6pm –
8pm at Aurora Funeral Home Cumana 76.



E lo seka tur lagrima kita
for di nan wowo;
Y Lo no tin morto mas;
Revelashon 21:4

Nos ta anuncia fayecimento
inesperadamente di
nos casa, tata, welo,
bisawelo stima



Sixto A. Feliciano

*06-08-1939 - †28-04-2018

Na number di su:

Señora: Stella Feliciano-Weller

Yiunan: Sharlyn y Joseph Fields-Feliciano
Marilyn (Milly) Feliciano
Jacquelyn y Patrick Farro-Feliciano
Stephen y Sue Feliciano-Giel

Nieto(a)nan: Spencer Fields
Aaron Fields
Ryan Tjon Ajong
Emily Tjon Ajong
Jenneline Farro y Josh Silva
Joselyn Farro y Joewayne Gumbs
Jarick Farro
Shaughn y Clarissa Feliciano-Alberg
Shaunrick Feliciano
Shaunessy y Makayla Feliciano-Furber
Sven Feliciano

Bisanietonan: Jedion Farro
Jedelyn Farro
Jendrick Laclé
Killian Feliciano

Mama di su yiunan: Cerilia De Cuba

Demas famia, swa, cuñanan, amigo y
conocirnan

Ta invita pa e acto di condolencia y despedida
cu lo tuma lugar diahuebs 3 di mei 2018 na
Royal Funeral Home di 1'or pa 4'or di atardi,
acto di entierro lo tuma lugar despues den seno
familiar.



“Dios ta amor... y amor ta Dios,
maske mi no ta na e mundo aki,
tur dia lo mi ta banda di boso
Curazon, mi por steuns di loke
Señor ta hasi”
Agradecido pa tur locual el a
nifica pa nos y conforme cu
boluntad di Dios, nos ta anuncia
fayecimento di:



Ansermo Vrolijk

Mihor conoci como “Chemmy” y “Papa Chemmy”
Ex trahador di Plantsoen DOW
*09-10-1938 - †27-04-2018

Acto di entierro lo wordo anuncia despues



“Cerca Dios so mi alma
ta na pas, ta di Dj'E mi
salbacion ta bin”
Salmo 62:1

Agradecido pa tur locual el
a nifica pa nos y conforme
cu boluntad di Dios, nos
ta anuncia fayecimento
christianamente di:



Jose Emanuel Kock

Mihor conoci como “Dotti”

*29-01-1927- †26-04-2018

Na number di su:

Kerida esposa: Emma A. Kock-Craane

Yiunan: Mirna & Glenroy Lake-Kock
Sharine Geerman
Kenneth & Chandra Kock-Rajkumar
Lucille Kock
Raymond Kock

Nieto y nietanan: Jerrienne Lake, Roger
Lake, Christopher Lake, Stacey Kock, Timothy
Lake, Kendra Kock, Jasmin Geerman, Brian
Geerman, Tracey Kock

Rumannan: Grecencia Kock
Eda Thiel-Kock y famia

Cuñanan: Bea Kock-Geerman
Elsa Thode-Craane
Theresita Bank-Craane
Flora Peterson-Craane

Sobrino y sobrinanan.

Bisiñanan: Brown, Croes, Jansen, Stamper

Bon amigo: A. (Buchi) Croes

Un danki special na: Dokter Melissa Wever,
Dokter John Kock, ayudantenan na cas
Wendy Lewis y Mari Pierre.

Demas famia: Kock, Craane, Lake, Geerman,
Rajkumar, Wouters, Thiel, Maduro, Amaya,
Dammers, Peterson, Bank, Dirksz, Thodé,
Lioe-A-Tjam, de Cuba, Rodriguez, Paalman,
Bislick, Wever, Gravenhorst

Ta invita pa acto di entierro cual lo tuma lugar
diaranson 2 di mei 2018 den Misa Santa
Theresita na San Nicolas for di 2'or pa 4'or di
atardi, despues ta Sali pa Santana Catolico na
San Nicolas.

Condolencia lo tuma lugar na Royal Funeral
Home dialuna 30 di april 2018 di 7'or pa 9'or di
anochi.

Nos ta pidi disculpa si den nos tristesa nos por a
lubida un famia of conocir.

Nos ta lamenta cu despues di entierro lo no
ricibi bishita di condolencia na cas.



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 30 Apr 2018 Anochi

CATACHI
Sorteo # 6466
0182
5248
3551
BIG 4
Sorteo # 5510
3034
1OFF
Sorteo # 215
5189
ZODIAC
Sorteo # 4269
0651
Virgo
KORSOU
Sorteo # 2043
5308
7655
8478

LOTTO 5	
Sorteo # 1893	Joker Letter
0 x Jackpot	
0 x Match 4+	
0 x Match 4	
0 x Afl. 12,00	
	220.000,-

LOTTO DI DIA	02-06-10-17-22
Sorteo # 4395	Proximo Jackpot
0 x Jackpot	
4 x Match 4	
154 x Afl. 8,00	
	55.000,-

MINI MEGA	
Sorteo # 1054	Mega Ball
0 x Jackpot	
0 x match 4	
1 x Afl. 500,00	
52 x Afl. 50,00	
73 x Afl. 15,00	
	280.000,-

MINI MEGA PLUS	Afl. 380.000,-
-----------------------	-----------------------

Bo cadena di number di suerte ta presenta resultado di ane

DIARIO 6963-3492-7208

SUPER 4 1239

FLAMINGO 1268-5519-6393



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 30 Apr 2018 Merdia

CATACHI
Sorteo # 2195
0132
0596
5349
BIG 4
Sorteo # 2195
6659
1OFF
Sorteo # 251
4263
ZODIAC
Sorteo # 2195
5536
Scorpio
KORSOU

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	
	220.000,-

LOTTO DI DIA	
Sorteo # 4394	Proximo Jackpot
0 x Jackpot	
2 x Match 4	
79 x Afl. 8,00	
	54.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	
	280.000,-

MINI MEGA PLUS	Afl. 380.000,-
-----------------------	-----------------------



Aries

No tuma nada como algo definitivo. Analisa tur cos bon y lo bo haya solucion. Number: 11, 23, 39, 45.



Tauro

Lo por surgi un situacion cu lo por pone bo incomodo. Miho manera ta pa no reacciona riba esaki. Number: 1, 13, 29, 35.



Geminis

E problemanan entre abo y bo pareha ta algo di pasado. No laga bo temperamento pone bo cay den provocacion. Number: 10, 23, 39, 45.



Cancer

Disfruta di bo tempo den compania di bo sernan keri. Biba bo bida den plenitud. Number: 20, 33, 35, 42.



Leo

Bo tin bo pensamiento riba un rij, cual ta yuda bo comprende hopi cos. Lo bo tuma decisionnan cu ta na bo favor. Number: 17, 28, 32, 46.



Virgo

Bo soñonan lo bira realidad. Si bo ta bo so, lo surgi un romance nobo y si bo tin pareha, e lasonan lo bira mas fuerte. Number: 7, 18, 22, 36.



Libra

Bo tin e tendencia di bisa cosnan cu lo por herida bo pareha. Stop di keha pa cosnan cu no tin sentido. Number: 6, 16, 26, 32.



Scorpio

Pone bo cosnan na ordo pa bo ta prepara pa lora bida tin di ofrece. Aplica lora bo a siña den experencianan anterior. Number: 8, 19, 22, 44.



Sagittario

No laga bo relacion bay perdi pa cumpli cu deseo di tercera persona. Esey lo por sali bo hopi caro. Number: 4, 10, 25, 41.



Capricornio

Hopi di situacionnan di pasado, lo keda resolvi. Awo ta bo tempo pa disfruta di bo bida. Number: 3, 19, 28, 38.



Aquario

Ta tempo pa laga lora ta preocupa atras. Disfruta di bo presente y laga bo pasado atras. Number: 14, 27, 33, 40.



Pisces

Bo bida amoroso lo crece segun bo pone. Lo bo supera felizmente bo problemanan di pasado. Number: 13, 25, 31, 47.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

A1 Taxi Services Aruba

Italiestraat 50 lokaal 7
Tel: 587-8850
Tel: 280-2828

Whatsapp: 592-7024

E-mail: a1taxiservices.aruba@hotmail.com

Mobility Equipment Hire

Tel: 568 5165



Dokter na warda

Oranjestad
Dr. Jansen
Tel. 585 0939

Botica na warda

Oranjestad: del Pueblo Tel. 582 1253 **San Nicolas** Centro Medico Tel. 584 5794

SERVICIO DI TAXI

Aruba Transfer Tour & Taxi C.A.
Pos Abao #41
P.O.Box 723 Aruba
Tel: 582-2116 / 582-2010
Fax: 583-6988
Taxi Adres Service (24h)
L.G. Smith Blvd. #234
Oranjestad Aruba
Tel: 587-5900
Fax: 587-1928
E-Mail: tas@setarnet.aw



Schedule may 2018

			ARR	DEPT	BERTH
WED	02	ADVENTURE OF THE SEAS	07.00	23.00	C
		MONARCH	06.30	15.30	B
THU	03	CARNIVAL CONQUEST	08.00	16.00	C
TUE	08	CELEBRITY EQUINOX	11.00	23.59	C
WED	09	MONARCH	06.30	15.30	C
THU	10	CARNIVAL VISTA	06.45	16:00	C
SAT	12	SEVEN SEAS NAVIGATOR	07.00	17.00	C
WED	16	MONARCH	06.30	15.30	B
		CARIBBEAN PRINCESS	07.00	17.00	C
MON	21	CARNIVAL SUNSHINE	12.000	22.00	C

EMERGENCIA

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Centrale Bank van Aruba Daily Exchange Rates - 04/30/2018



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.36	1.38	1.40
CHF	179.54	180.26	181.06
GBP	2.38	2.43	2.49
JPY	161.36	162.83	164.47
EUR	213.19	215.13	217.30
DKK	27.90	28.62	29.42
NOK	21.26	21.98	22.78
SEK	19.47	20.19	20.99

For amounts up to Afl. 100,000

26 april 2018

9de Trekking op 26 april 2018
Waarvan proces-verbaal was opgemaakt
en ondertekend door C. Antonia namens de
Procureur-Generaal, de getuigen en de
directeur a.i. van de Landsloterij.

<u>2de Prijs</u>	
15626	1,500
15627	40,000
15628	1,500

<u>3de Prijs</u>	
33404	1,250
33405	20,000
33406	1,250

ARUBA
Oranjestad : 8.00 - 12.00 en 13.30 - 16.30
 Tel: (002975) 824784
San Nicolas : 8.30 - 16.00 (maandag t/m v
 Tel: (002975) 845200

BONAIRE : Maandag tot en met vrijdag
8 tot 11 uur voormiddag

Alle prijzen zijn in Antilliaanse guldens.



Banco Central: Economia Arubano lo subi cu 0,3 por ciento

Tabel 1: Calculacionnan economico y proyeccion pa 2017 y 2018

Indicador (termino real)	2017 ^c	2018 ^p
cambio di %		
PDB	1,2	0,3
Consumo	1,4	0,9
Inversion	-1,7	-2,9
Exportacion	1,7	1,1
Importacion	0,9	0,6

Fuente: BCA

c = calculacion; p = proyeccion

ORANJESTAD - E economia di Aruba ta proyecta pa crece den termino real cu 0,3% na 2018. Esaki ta segun e Economic Outlook nobo cu un actualizacion di proyeccionnan pa 2018 y calculacionnan revisa di e PDB pa 2017 reflehando e desaroyonan y datonan mas reciente.

E calculacion nobo pa e crecemento di e PDB durante 2017 a resulta na 1,2%, considerablemente mas abou cu e proyeccion anterior (Tabel 1). E retraso substancial di varios proyecto di inversion, particularmente e rehabilitacion di e refineria den un upgrader, tabata un fac-

tor importante pa e revision di e tasan di crecemento pa 2017 y 2018 cu a wordo proyecta anteriormente. Tambe ta spera cu consumo lo permanece abou na 2018. Esaki ta segun e comunicado cu nos a ricibi di Banco Central.

Compara cu e proyeccion anterior, publica na december 2017, e tasa di crecemento a wordo ahusta abou cu 2,4 punto di porcentahe. E proyeccion no ta inclui e impacto di e medidanan fiscal anuncia recientemente pa gobierno di Aruba pa reduci su deficit financiero, cual a wordo aproba durante e debate di presupuesto 2018

den Parlamento. E efectonan potencial di e medidanan aki riba produccion economico lo wordo considera den e siguiente ciclo di analisis di proyeccionnan.

Actividadnan atentado den exportacion di servicio turistico, causa pa un expansion di yegada di turista di e mercado Mericano cu casi 11%, tabata e conductor principal pa e crecemento economico na 2017. E perspectiva turistico pa 2018 ta positivo den termino di proyeccion di exportacion di servicio turistico cu ta premira pa crece cu 4,4%, empuhe primordialmente atrobe pa e mercado Mericano.

Proyectonan significant di inversion grandi cu a wordo (parcialmente) ehecuta na 2017 ta inclui e continuacion di e renobacion di e Dr. Horacio E. Oduber hospital, e Green Corridor, e Watty Vos Boulevard, y actividadnan di mehoracion na e aeropuerto. Sinembargo, retrasonansubstantial den inversionnan grandi relata na e rehabilitacion di e refineria den un upgrader di crudo – spera pa yega un peak den edities trimester di 2017–a causa cambionan significant den proyeccionnan di inversion di BCA. No ta conocinae momento aki con largo e retrasonan aki lo dura cu lo tin implicacion pa proyeccion di e cifranan di inversion pa 2018.

E cuenta coriente di e balansa di pago ta proyecta pa registra un deficit di Afl. 32,7 miyon na 2018, causa pa importacionnan mas halto di produccion cu no ta relata na crudo. Ta anticipa cu e cuenta di capital y financia di e balansa di pago lo registra un surplus di Afl. 90,7 miyon, pa gran parti relata na gobierno su finansnan den exterior pa cubri su deficit financiero.

Consecuentemente, e reserva di divisanan neto (excluyendo revaluacion) ta proyecta

pa subi cu Afl. 40,0 miyon na Afl. 1.724,8 miyon na fin di 2018. Ta proyecta cu reservanan total lo yega na 5,2 luna di pagonan di e cuenta coriente.

E reserva di divisanan neto (NFA) ta anticipa pa crece te Afl. 1.780 miyon na final di 2020. E intencion di gobierno pa financia un gran parti di su necesidadnan financiero riba e mercado internacional ta e factor determinante pa e subida proyecta di e NFA. Adicionalmente, ta asumi cu e deficit riba e cuenta coriente lo expande na Afl. 165 miyon na 2020 ya cu e crecemento den ingreso turistico probablemente no lo ta suficiente pa compensa e subida den importacion di bienes. BCA su analisis ta indica cu e capacidad premira actualmente pa obtene divisanan pa e economia Arubano no ta suficiente pa genera reserva di divisa pa paga pa bienes y servicionan importa. Cambionan structural den maneho economico, incluyendo diversificacion economico (mas leu cu refineria y turismo), ta urgentemente necesario pa engrandecer e capacidad di e economia pa obtene divisanan, pa asina por structuralmente eleva e nivel di NFA na un manera sostenibel y flexibel.

Advertorial

Ganadora di CMB su biahe pa Paris ta conoci

ORANJESTAD - Recientemente bo banco amigo Caribbean Mercantile Bank N.V. a lansa un campaña relaciona cu e cambio na e sistema nobo di online banking.

CMB ta sumamente contento di por anuncia e ganadora di su campaña, Jeanne Ecury cu a bay cu e premio di un biahe pa dos persona pa Paris, Francia, incluyendo 1,000.00 Euro den efectivo pa gasta na gusto. Sra. Ecury ta un pensionado y fiel cliente di CMB pa varios aña y ta haci uzo frecuente di su online banking.

Sra. Ecury ta conta cu e lo biaha pa Paris hunto cu su esposo cu a compañe pa busca su premio cerca representantenan di CMB, Natalie de Cuba y Lindsey Wever.

Tur cliente cu a cambia pa e sistema di Online Banking

nobo prome cu 19 di april 2018 a participa automaticamente den e tombola digital pa gana e biahe pa Paris. Clientenan cu ainda no a haci e cambio pa e sistema di Online Banking nobo por

bishita www.cmbnv.com, click riba Online Banking y upgrade pa un servicio mas facil y moderno. Chat cu bo banco amigo riba e plataforma di eAmigo.com pa cualkier asistencia.



MEGAPLEX 8
caribbeancinemas.com | Caribbean Cinemas Aruba

APRIL 26 - MAY 2

cinema events
ON THE BIG SCREEN

The Metropolitan Opera
LUISA MILLER
SAT, APRIL 28 • 1:00PM

CHRIS EVANS | ROBERT DOWNEY JR.

AVENGERS INFINITY WAR PG-13

TRUTH & DARE PG-13
MON-THURS 5:05 | 7:15 | 9:30
FRI 5:05 | 7:15 | 9:30 | 11:45
SAT 2:45 | 5:05 | 7:15 | 9:30 | 11:45
SUN & HOL 2:45 | 5:05 | 7:15 | 9:30

I Feel Pretty PG-13
MON-THURS 4:30 | 6:55 | 9:20
FRI 4:30 | 6:55 | 9:20 | 11:45
SAT 2:05 | 4:30 | 6:55 | 9:20 | 11:45
SUN & HOL 2:05 | 4:30 | 6:55 | 9:20

BLOCKERS MON-SUN & HOL 9:00

RAMPAGE PG-13
MON-THURS 4:35 | 7:00 | 9:25
FRI 4:35 | 7:00 | 9:25 | 11:50
SAT 2:10 | 4:35 | 7:00 | 9:25 | 11:50
SUN & HOL 2:10 | 4:35 | 7:00 | 9:25

A QUIET PLACE PG-13
MON-THURS 3:50 | 5:25 | 7:30 | 9:35
FRI 3:50 | 5:25 | 7:30 | 9:35 | 11:40
SAT 3:20 | 5:25 | 7:30 | 9:35 | 11:40
SUN & HOL 3:20 | 5:25 | 7:30 | 9:35

SHERLOCK GNOMES PG
MON-FRI 5:00 | 7:00
SAT-SUN & HOL 3:00 | 5:00 | 7:00

STARTING MAY 3 | OVERBOARD

Palm Beach Plaza Aruba | 586.0074

THE MAGIC OF THE MOVIES ON YOUR MOBILE DEVICE

Download on the App Store | GET IT ON Google Play

DVG: Alerta pa Influenza na Europa y America ta keda vigente



ORANJESTAD - Na e momento aki seccion di Malesa Contagioso na DVG tin un cantidad di vacuna disponibel ainda. Segun e departamento teniendo na cuenta cu na Europa y America ta keda un alerta vigente pa Influenza, debi na e cantidad di complicacion y morto cu e

ta ocasiona cerca principalmente e grupo di riesgo, DVG ta haci un suplica na principalmente e grupo di riesgo pa acudi mas pronto posibel na seccion di Malesanan Contagioso pa busca nan vacuna. E vacuna aki ta wordo duna gratis.

Segun un comunicado di Departamento di Salud Publico (DVG), e grupo di riesgo ta personanan riba 60 aña y muchanan bou 5 aña. Tambe personanan cu malesa cronico manera diabetes, presion halto, colesterol, triglicerido, asma, obesidad, problema di curason, riñon, cu un sistema inmunologico abou pa moti-

bo di embarazo, Hiv y cancer.

“Premirando cu juli vakantie ta cerca, un temporada cu hopi residente ta bay den exterior pa vakantie y tambe Aruba ta wordo bishita pa hopi turista. Ta hopi importante pa e grupo di riesgo ta proteha. Departamento di Salud Publico ta conseha juf-

frounnan y leidsternan di scol, crèche y traimerdia pa busca e vacuna contra Influenza pa por yuda proteha nos muchanan tambe”, segun DVG.

Pa mas informacion por tuma contacto cu seccion di Malesanan Contagioso di Departamento di Salud Publico na 5224200.

Advertorial

Cada banco local awor cu alternativa nobo despues di discontinuacion di check

ORANJESTAD - Den cuadro cu discontinuacion di transaccionnan por medio di check sea personal of comercial, Aruban Bankers' Association (ABA) ta anuncia e fase final pa Aruba su transicion na un sistema bancario mas digital.

Entrante 1 di mei 2018, banconan lo no ta emitiendo ni procesando checknan pa cliente particular y entrante 1 di november 2018 esaki tambe lo conta pa clientenan comercial. Clientenan particular y comercial por entrega nan buki di check for di awor caba pa ricibi su balor bek. ABA a duna inicio algun luna pasa na e campaña di informacion relaciona cu e trayecto pa discontinuacion di uzo di check. E Asociacion di Banconan di Aruba kier a enfatisa cu tur banco local na Aruba tin alternativo pa locual ta e discontinuacion di check, pues comunidad di Aruba por ta trankil riba e parti aki manera cu e discontinuacion

ta oficial. Un di e aspectonan cu ta importante pa publico ta na altura di dje ta e beneficiario cu e discontinuacion di uzo di check tin pa esunnan cu ta ricibi esaki como pago a cambio di trabou, producto y/of servicio. Manera nos a trece dilanti algun siman atras, teniendo cuenta cu su clientela, ABA a elabora un plan cu ta bay checuta den diferente fase. Di e manera aki ta brinda tur esunnan cu mester, e tempo suficiente pa busca y adapta na otro alternativanan di pago.

Sistema bancario mas digital

Ta existi un consenso entre banconan internacional basa riba e ponencia cu e procesamiento di checknan tin un impacto negativo, tanto riba e servicio, como tambe den riesgonan innecesario na cual ta expone e cliente y entidad bancario. Tur banco miembro di e Asociacion di Banconan di Aruba a realisa e inversionnan clave pa ta debidamente prepara pa e

cambio aki. E buki di check ta un manera hopi anticua pa paga un tercer partido. Cu un tercer partido ta referi na un empleado, compania of persona na kende bo persona mester haci un pago y ta haci e via di banco. Sinembargo, awendia tecnologia a desaroya y banconan comercial ta invertiendo hopi den esaki pa ofrece servicicionan electronico y digital pa medio di online banking y mobile apps. Kiermen cu tur loke bo tabata haci cu buki di check awor ta bira mas facil, mas lihe y mas sigur pa tur hende.

Servicio mas rapido y eficiente

Ora bo haci bo transferencia via bo online banking y te hasta na bo banco mes, esaki ta dura un dia pa e persona ricibi su placa. Y si e persona ta na e mesun banco cu bo, e ta haya su placa na mesun dia di transaccion. Di e forma aki fondonan ta pasa di un cuenta pa otro mas eficientemente, generando un efecto positivo pa e economia di Aruba.

Esaki ta asina pasobra simplemente tur hende ta den capacidad pa realisa mas cobranza y pagonan den e mesun cantidad di tempo. Pa e miles y miles di empleado cu ainda ta ricibi salario pa medio di check, e noticia di nan discontinuacion ta uno hopi alentador. Normalmente un trahado mester pidi liber pa bay banco, para den fila y ricibi nan salario. Mientras cu si bo haci e transaccion automaticamente, e persona tin su cuenta di salario na banco y den dos minuut e tin su salario riba su cuenta. Despues e por haci uzo di dje por medio di lanta placa na ATM y/of e ta paga cu su carchi. Por medio di e discontinuacion di uzo di check, ABA ta habri caminda pa e tercer partido entrega su servicio y/of producto por ricibi su pago practicamente de inmediato. No lo mester deposita e check y despues warda un periodo pa wak si un check ta clear of no. Pues e servicio nobo aki no solamente ta mas eficiente, e tambe ta elimina e

posibilidad di comete fraude cu check.

Banconan local envolvi

Banconan local a pone cabes hunto pa crea un plan den cual por alcanza e meta comun, sin afecta e shen di miles di cliente. Asina a realisa inversionnan no solamente den e infraestructura tecnologico di cada instancia bancario, pero tambe un acuerdo pa fiha pasonan cu lo tuma hunto, banda di un campaña informativo pa guia e comunidad den e proceso. Aruba Checkout ta un campaña den colaboracion cu Aruba Bank N.V (527 7700), Banco di Caribe (523 2250), Caribbean Mercantile Bank (522 3000), First Caribbean International Bank/CIBC (522 5600) y RBC Royal Bank Aruba NV (588 0101). Pa mas informacion por libremente tuma contacto cu bo banco preferi, of bishita www.arubacheckout.com pa cualkier pregunta cu bo por tin of informacion.

Caminata di fundacion VeneAruba tabatin menos participante cu aña pasa

ORANJESTAD – Diadomingo atardi un grupo di hende mayoría di nan di origen Venezolano a congrega riba plaza Simon Bolivar pa participa den e di dos caminata familiar organisa pa fundacion VeneAruba.

E biaha aki e caminata Unidos por los niños de Venezuela su meta tabata pa recauda fondo y yuda mengua e situacion di hopi muchanan cu lo por muri pa causa di hamber y falta di nutricion den e pais bisiña aki.

Ursula Boom Peralta kende ta miembro di e fundacion aki a declara na Bon Dia Aruba cu nan a keda satisfecho cu e acogida cu e caminata aki a haya. Sinembargo nan ta ripara cu e participacion tabata menos cu aña pasa. Nan ta haya cu tabatin suficiente persona a pesar di e ‘miedo y temor’ cu nan tabatin pa asisti na e caminata aki.

El a haci un yamada na e comunidad den general, pero muy particularmente na e comunidad Venezolano pa mantene nan union y apoyo. “Ban mantene bibo nos spirito humanitario cu ta caracteriza e Venezolanonan”, el a bisa.

Na final di e caminata esunnan cu a participa a wordo recrea cu musica di e folklore Venezolano, y algun di nan a ricibi premio y tabatin rifa tambe.

